

‘Arte y creatividad tin hopi beneficio den terapia y salud mental’



Pagina 3

Apertura weganan Centro Americano y Del Caribe



Pagina 18

‘Gobierno ta promove integracion inmigrantenan y no exclusion’



Pagina 32

Riba sociedad multicultural

‘Expresion di minister Blok no ta refleha realidad na Aruba’



Pagina 31

Editorial

Produccion local ta mas caro...

Cu producto importa?

Pagina 5

Alrededor di 80 musico di henter mundo na Aruba Symphony Festival & Academy 2018



ORANJESTAD – Awe nochi cu un concierto magistral ta tuma luga, den cuadro di apertura di e 4 version di Aruba Symphony Festival & Academy (ASF&A) na Cas di Cultura. E director artistico di e festival, e violinista Simon Gollo a expresa na Bon Dia Aruba su satisfaccion di por congrega un biaha mas un grupo di academico y estudiante di musica, pa participa den e festival y academia di musica clasico y contemporaneo na Aruba.

Cada aña e festival tin un característica special. E biaha aki nan ta biniendo cu espacio nobo di presentacion, y nan ta spera mas publico nobo tambe. Nan tin un ‘jam session’ na Cafe Casibari (Paradera). Di e forma aki, nan kier yega na mas publico cu un seccion di variedad di musica Colombiano, Venezolano, Jazz Latino Americano.

Ya caba den nan versionnan anterior, Aruba Symphony Festival & Academy a realiza concierto na Freewinds Cruise Ship. E aña aki nan a dicidi di extende e tipo di concierto aki na Casibari y tambe nan lo bin cu un concierto na Ritz Carlson hotel, y logicamente riba e Freewinds Cruise Ship tambe. Nan ta otro escenario pafo di Cas di Cultura.

Repertorio musical local

E biaha aki nan a bin cu un repertorio sorpresa di musica Arubiano den genero sinfonico. Sr. Gollo a laga sa cu esaki ta algo nobo. Nan tin varios piesa musical local cu nan lo presenta e dia di e clausura cu lo ta dia 29 di juli. “Nan ta piesa musical masha importante di Aruba den genero sinfonico. Nos a bin cu areglo exclusivo pa e festival aki di musica Arubano”, e di.

E concierto di apertura cu ta tuma luga awe pa 8or anochi na Cas di Cultura, tin presencia di musico local cu e presentacion di e coro Ars Nova Choir, bou e direccion di e docente di musica, Mayra Garrido.

“Pa Aruba Symphony Festival & Academy ta importante pa crea espacio na e musiconan local, y pa e hendenan cu ta realiza bida cultural na Aruba”, sr. Gollo a bisa. E ta considera esaki mas cu ‘logico’, ya cu nan fundacion tin sede na Aruba mes.

Prestigio internacional

Nan ta sigui trece musiconan internacional di gran prestigio na Aruba. E aña aki tin presencia di participante di Hapon. Nan ta hendenan cu a bin fei otro banda di nos planeta, pa haci musica na Aruba. Esaki ta un atractivo masha special di e proyecto aki. E biaha aki, alrededor di 80 musico cu a bin fei diferente parti di mundo, y muy specialmente

di America Latina, Merca y Asia. E ta haya cu e presencia di e musiconan aki cada aña ta duna mas peso internacional na Aruba Symphony Festival & Academy, y pa nos isla tambe.

Cuater aña pasa nan a cuminsa cu e proyecto aki como Nuevo Mundo Festival, pero cada aña ta uno yen di experiencia y satisfaccion. Den cuadro di e 4 edicion di e festival aki, nan ta sinti cu e simia cu nan a planta a bira un mata. Aunke e no ta e mata grandi cu nan lo desea, pero ya caba e tin reis profundo, y nan esfuersonan ta wordo mira y aprecia.

Colaboracion

Nan ta sinti cu nos comunidad a compromete mas cu e proyecto aki. Tin famianan local cu ta habri e porta di nan cas pa ricibi e hobennan estudiante y docentenan di musica como nan huesped. El a expresa su gradicimento pa e gesto aki. Tambe el a expresa cu nan ta hayando e colaboracion di organisacion, manera Unoca y Cas di Cultura. Igualmente personanan y empresanan di e sector priva ta brindando nan colaboracion cu e festival y academia di musica aki. “Nos ta haci un yamada na e hendenan cu sensibilidad, cu ta sea di wak crece nan isla y tambe pa nan haya un calidad di bida, culturalmente papiando, miho na Aruba.” Nan ta considera e festival aki como parti evidente di e proceso positivo aki. Sr. Gollo ta haya cu cada aña nan ta avansa den un relacion di aceptacion y apoyo.

E ta considera cu e prome 3 aña tabata uno di construccion rond di e proyecto aki. Awor nan ta cerando un etapa di siñamento, pa bin cu un organisacion mas estructura, caminda tur cos tin mas fluidez. “Nos tin e tranquilidad y legria cu e no ta un proyecto inicial. Sino cu el a bira un proyecto cu tin continuidad. E proyecto di un festival pa 4 aña na Aruba, e ta bin haciendo su historia caba.”

E ta calcula cu den delaster 4 aña, un total di mas cu 250 estudiante di musica di henter mundo a bin Aruba pa atende nan ‘master classes’. E cifra aki ta

importante, pero no solamente nos mester mir’e cuantitativamente pa e participacion di studiantenan, pero mester wak cuanto di nan ta bay pa nan pais bek papiando di Aruba di otro manera, no solamente riba su beyesa natural y atractivo turistico. E ta haya cu esaki ta un forma di promove nos isla, y e tin su impacto. Eventualmente e no ta uno masivo, pero e ta mas di calidad of cualidad. Di otro banda, e docentenan di musica ta hendenan cu ta biaha den henter mundo, dunando concierto, y nan ta un carta di garantia pa promove Aruba su turismo.

Festival formativo

Pa e director artistico di e festival aki, e realisacion anual di ASFA ta un proyecto di bida. Sr. Gollo tin un trayectoria musical reconoci como un famoso violinista internacional. Tur aña e ta realiza presentacion of concierto den diferente pais. Constantermente e ta biaha, recientemente el a bay Suisa, Mexico, Colombia, Brasil, Merca, etc.. Pero e ta haya cu e festival cu nan ta bin realisando na Aruba, ta un oportunidad pa e hobennan local y di afo. Nan por cuminsa cana un caminda den su carera musical y den nan bida personal.

“E ta un bentana of porta cu ta wordo habri pa nan.” Ya caba nan tin ehempel di un hoben cu a participa den nan festival. E hoben prometedo aki a gana un beca completo na Merca cu cantidad di oportunidad. E ta haya cu esaki ta un testimonio conmovedor, ya cu su presencia na Aruba den e festival aki, a contribui pa nan bida a cambia pa miho. Na final e ta haci un yamada na henter comunidad, ya cu awe nan ta cuminsa un serie di concierto pa 8or anochi na Cas di Cultura. Nan website ta: www.arubasympphonyfestival.com unda nan ta divulga henter nan programa di e Aruba Symphony Festival & Academy 2018. “Entrante awe ta cuminsa un gran fiesta musical di alegria y emocion cu musica ta brinda nos”, sr. Gollo a bisa na Bon Dia Aruba.



Reino lo duna Aruba espacio prome cu yega na acuerdo nobo pa RST

ORANJESTAD - Gobierno di Aruba durante e palabracion entre ministernan di husticia di Reino (JVO) a pidi pa extende e deadline pa yega na un acuerdo nobo pa cooperacion di Recherche Samenwerkingsteam (RST) te cu januari despues di a haya poco aclaracion na Boneiro.

Desde 2001 Aruba tin un acuerdo cu islanan ruman Corsou, Sint Maarten, Boneiro y tambe Hulanda pa combati criminalidad cu ta traspasa fronteranan di cada pais individual, manera crimennan di labamento di placa. Desde cu gobierno den

2017 a bay di acuerdo pa reevalua e acuerdo aki, mirando cu lo tin cierto puntonan anticua den dje. Actualmente ya tin un documento riba mesa cu Aruba lo kier mas aclaracion riba dje pa por yega na un acuerdo pa e cooperacion entre paisnan.

Minister di Husticia, Andin Bikker (POR), a splica cu Aruba tin mester di mas tempo pa evalua cierto puntonan cu no ta mucho cla te awo. E otro paisnan di Caribe Hulandes ta cla pa sigui yega na acuerdonan, pero Aruba no ta cla pa compromete, entre otro pasobra e Status Aparte di Aruba ta diferente na e resto di e islanan. Esaki tin

su efecto riba nivel di leyman federal (Rijkswetten).

E mandatario a indica cu den e documento pa yega na un acuerdo nobo ta menciona Team Bestrijding Ondernijning (TBO), cual ta un team cu ta cay bou RST, pero ta den poder di procurador general di Corsou y Sint Maarten. “E team special aki, y Hulanda y Corsou a bay di acuerdo cu nos punto di bista y a compronde, cu e vision riba futuro di RST no tin nada di haber cu e team special aki, pasobra e team special ta especificamente diseña pa Corsou y Sint Maarten.”



Arte y creatividad tin hopi beneficio den terapia y salud mental

ORANJESTAD - Dos area of sector cu ta conoce un stigma of prehuicio den nos sociedad ta expresionnan artistico manera arte visual, pero tambe salud mental. Sinembargo ambos ta area cu ta complimenta otro, ora hopi artistanan ta crea di nan duele y vice versa den e manera con arte y creatividad por yuda inmensamente pa un persona sana trastornonan mental.

“Bo pregunta ta si arte por yuda? Oef, claramente arte por yuda. Den psiquiatria nos tin terapia creativo y nos ta haci esaki cu e clinica tambe. Arte en general ta hopi importante.” Asina director medico di Fundacion Salud Mental Aruba (Respaldo) Hendrikus van Gaalen a conta Bon Dia den un entrevista exclusivo.

Elaborando terapia di arte pa mucha

Sr. van Gaalen por a nota cu rond mundo y den nos region mes tabatin bon iniciativa relaciona cu arte cu ta yuda cu salud mental, pero tambe cu aspectonan social den comunidannan. El a duna un ehempel na Trinidad & Tobago, unda a duna cursonan na hobennan cu tabata envolvi cu criminalidad. Nan a presenta un show varios aña pasa cu baile y arte visual, cual a yena e hobennan cu perspetivanan nobo. Segun sr. van Gaalen, ‘asina nan ta wak otro nivel den bida compara cu si nan no tin arte’.

E psiquiatra ta subraya cu mes-

cos cu arte, deporte tambe ta mesun importante pa loke ta trata desaroyo personal y salud mental. “Tin mas arte awendia y hopi mas deporte. Mi ta kere deporte ta un tiki mas leu cu arte si bo ta compara ambos, pero tur dos mester ta puntonan importante pa comunidad y muy en especial nos hobennan.”

Maske e fundacion ta haci uzo di terapia di arte den clinica, esaki ta limita mirando na adulto cu nan mester di mas persona cu por tuma encargo di e terapia aki, particularmente pa muchanan. E ta keda un reto pa haya hende di Aruba pa eherce e funcionnan aki, e director a remarca, pues nan ta haya personanan di afo ora no ta posibel. Sinembargo e ta algo cu nan lo bay trece sigur den futuro, mescos terapia musical.

Creatividad ta yuda pa acepta y lidia cu salud mental

Terapia di arte su rol ta sumamente importante ora cu terapia normal no ta traha efectivamente si un persona no gusta papia. “Nos no ta celebros tampoco. E parti spiritual tambe ta importante aunke nos no ta hopi diep den dje. Creatividad ta importante pa procesa y compronde cosnan cu a pasa cu hopi biaha ta traumatico. Tur e nivelnan cu por yuda un persona tin miho confiansa pa acepta nan mes, den nan malesa por ehempel, ta importante.”

Dunando un perspectiva di otro banda, Mijanou Tromp,

como artesano, a conta Bon Dia den un entrevista cu su artesanía a yud’e y ta keda yuda su persona pa procesa dolor cu e mester traha riba dje. Su arte, cual ta tuma diferente forma enfocando riba reciclahe, a hisa di nivel despues cu el a cuminsa uza e cosnan cu tabata dificil pa procesa como fuel pa su creatividad.

Asina el a logra obtene su Seyo Nacional pa Artesanía aña aki despues cu e departamento a rechasa su peticion un aña pasa pasobra su creacion no tabata na e nivel spera di un artesano certifica. “Ora mi a haye, nan a bisa mi cu casi ningun artesano ta bolbe aplica despues di no ricibi e Seyo. Esey a siña mi cu ta okay pa cay, pero cu semper bo mester tin e forsa pa lanta

bek.”

E artesano a splica cu artesanía ta yuda su persona cu su sintomanan di salud mental,

pasobra hopi biaha su pensamentonan ta bay tur caminda, mientras e artesanía ta pone enfoca riba un accion so.



‘Adrenalina di dragracing ta dushi’



ORANJESTAD – Manuel Da Silva pa añanan largo ta den caredanan drag. E ta conta Bon Dia Aruba tocante su pasion den tempo di antes y su team cu ta core na Aruba y den exterior Da Silva Racing.

Sr. Da Silva ta splica nos cu coremento di drag a cuminsa na Aruba den año 1930/1940 ora ‘placa’ a cuminsa drenta Aruba. Lago oil a cuminsa opera, hende a cuminsa haya placa y asina por a cumpra un auto cu ‘mas poder’. E ta splica tambe cu diferencia di tempo di antes ta cu no tabata tin mas caretera. “Hopi biahnan e guynan cu placa

tabata tin auto cu ta core mas duro. Ora nos sali for di Lago despues di trabou, nos tabata bay Playa, pasobra eynan e caredanan tabata tuma luga.”

Segun sr. Da Silva e caredanan e temponan aya tabata tuma luga desde San Nicolas te rotonde di Las Americas, San Nicolas te cu DOW y despues San Nicolas te Holiday Inn. “Esaki tabata e pida stret di Barcadera.” Ora di yega Barcadera mester a ‘slowdown’ banda di otro y bay abou. Ora yega aeropuerto (caminda di Bucuti aworaki) e caminda ta lora y despues hotelnan a cuminsa bin. A cuminsa organisa

caredanan di Holiday Inn bay Noord. “Tur e caredanan aki tabata ilegal.”

Sinembargo sr. Da Silva ta splica cu pa motibo cu tabata tin tiki caminda e tempo ey, e bocht tabata mas peligroso tabata e bocht di Manchebo. E ta splica cu si algun tabata tin mas ‘gut cu otro’ esaki tabata e oportunidad pa gana e careda, pasobra e tabata un ‘birada di 45 grado’.

“E tempo ey tabata un challenge, pero despues el a cuminsa bira mas organisa, pero mi a stop pa motibo di un accidente ora un persona a fayece riba e caminda di

Holiday Inn bay Noord. Un accident masha grandi mes. Pa motibo di e accident aki, e caredanan ilegal a stop pa un rato. Tabata tin hopi polis ta controla y cos a bira mas streng, pero despues e caredanan a sigui normal riba diadomingo merdia, aunke masha poco.”

“Algun di e corendonan tabata uza nan skills di mecanico y asina ora un doctor cu tabata tin placa a cumpra un auto master, nan tabata tune y service, pa despues trece e siguiente mainta, pero ya tabata conoci cu nan lo core cu auto nan ey. E caredanan ilegal aki tabata tuma luga 12or di madruga ora warda di polis cambia, anto tur ta ocupa den nan trabou. Pero ya despues di esey Palo marga a habri y careda ilegal a bira masha poco.”

Sr. Da Silva ta splica cu Henry Leo ta e tata di dragracing. E ta e fundado di street legal Aruba y tata di Giovanni Leo, cu ta un coredo profesional. Awo e no ta core mas, djis e ta core su Harley ‘pa keiro’.

E ta aclara cu e tin su mesun team cu a yega di biaha leu. “Mi a cuminsa cu auto y mi ruman a cuminsa cu brommer.” Sr. Da Silva ta remarca cu ora su ruman a cumpra e brommer e tambe a cuminsa envolvi mas den e brommer. El a dicidi stop di core y ta

inverti den brommer, pero e ta bisa cu e ta hopi trabou. Y awo nan ta full profesional. Nan brommer awo -segun sr. Da Silva- no tin tanki di gasolin, no por core den caya, e no tin luz. E ta un brommer special traha pa drag. Pro bike, full plat, taira ta hanchu, pero esaki djis pa participa den caredanan di drag. “E team a yega di participa na Corsou, Puerto Rico y Merca entre otro. Nos a yega di core cu e mihonan di e profesional di afo. Nos team ta den e grupo di 16 miho di mundo cu a cualifica. Nos tin awo 2 motorcycle y 3 driver.”

Sr. Da Silva ta splica cu henter e famia ta involucra den dragracing, pero no tur ta participa afo cu e profesionalnan. “Mi sobrino ta core un di e brommernan cu motor chikito y nos tin Michael Phillips cu ta un certified driver cu ta core esun cu motor grandi. E ta costoso, nos no ta pidi sponsor pa motibo cu e momento ey nos ta djis enfoca cu nos brommernan pa ta bon prepara pa careda. Nos concentracion ta pa nan core bon.”

“E pasion pa dragracing ta uno profundo, e adrenalina cu bo ta sinti ta asina dushi cu manera bo haci un biaha bo kier haci’e mas biaha. Bo ta ‘get hooked’, paso e ta asina waw”, sr. Da Silva a finalisa bisando.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Cristian Soto Garcia(hefe di redaccion)
Nicola Gonzalez(redactor ehecutivo)
Esther Kiks-Martinus(redactor ehecutivo)

Redaccion

Benjamin Romero
Leo Maduro
Luis Villegas

Departamento Digital

Sharina Henriquez

Ehecutivo di Benta

Marijke Croes-Luidens
Mary Ann Oduber
Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: [@bondianoticia](https://www.facebook.com/bondianoticia)

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Produccion local ta mas caro...

Cu producto importa?

A capta nos atencion un debate interesante encuanto e posibilidadnan di produccion agricola, y mas especificamente produccion di horticultura (tuinbouw) den Caribe Hulandes. E motibo pa atende e asunto aki ta relaciona cu e situacion di pobresa, tambe e aspecto di e minimo necesario pa sobrevivir (e 'bestaans-minimum') y alternativa pa combati e pobresa. Aparentemente Hulanda a laga haci un investigacion pa evalua e posibilidadnan di produccion local, cu lo por ta faborabel tumando na cuenta e costonan halto di compra, transporte, seguro, importacion, prome cu e producto ta den tienda. Sinembargo, e informe cu gobierno Hulandes a haya ta comenta cu e costonan local lo resulta den un prijs mas halto cu esun di e producto importa.

Den reaccion di gobierno Hulandes riba e rapport a bisa cu a pesar di e conclusionnan, ta considera fomento di produccion agricola local como arma contra pobresa. Esey lo no ta tanto e aspecto di combati pobresa cu prijsnan mas abao den tienda, pero si pa logra meta manera mas empleo y menos dependencia di importacion di e pproductonan aki.

En realidad nos no ta tende, o lesa, algo aki cu nos no tabata sa caba. Agricultura riba e islanan aki nunca tabata algo di gaba, sino probablemente e islanan lo tabatin un historia diferente. Djis purba imagina e actonan di malabarismo cu mester a haci na un isla manera Curaçao pa e por a produci e cuminda pa mantene e actividad clave di sirbi como luga di concentracion di catibo. Pa no papia mes di Aruba, cu tin otro condicion geologico mas adverso ainda. No ta pornada West Indische Compagnie a dicidi di tene cabay aki, pero no a preocupa pa desaroya actividad agricola aki. E islanan na otro banda di Caribe tin un clima mas faborabel pero nan superficie hopi limita no ta brinda tanto posibilidad tampoco.

Realmente tabatin mester di e informe aki pa yega na e sabiduria aki? No, pero investigadonan Hulandes tambe mester come, of no? Es mas, a pesar di nan propio conclusion nan ta recomenda pa sigui apoya intento di proyecto agricola riba e islanan, pero pa controla nan bon riba efectividad di costo, a pesar cu ta constata cu e proyectonan no por sobrevivir sin subsidio.

Awor, kico ta loke e proposito cu nos tin cu nos comentario riba e asunto aki? Bon, e ta parce nos un bon momento pa resumi loke ta sucediendo riba nos isla den e sentido aki. Pa hopi decada caba, cada campaña electoral ta trece promesa nobo encuanto loke ta bay haci cu agricultura y cria di bestia. E acuerdo di

gubernacion a base di cual e actual gabinete ta goberna, tambe conoce atencion pa e aspecto aki. Ta papia di un maneho integral pa beneficia cunukero, piscado y criador di bestia, cu uzo di tecnicanan innovativo, cu no ta causa daño na naturalesa. Aki naturalmente ta referi na desaroyo sostenibel, cu cual tur hende lo ta di acuerdo. Tambe ta papia di converti e actividadnan aki den un pilar economico nobo, pa baha dependencia di importacion di berdura, carni y producto di lama.

Tur masha bunita, pero e pregunta clave aki ta, unda ta cuminsa? Gobierno no ta den un situacion color de rosa pa bay subsidia e actividadnan aki na grandi. Y ni cu tabatin recurso disponibel, lo mester keda masha critico pa loke ta haci y kico no. Y aki ta unda ya caba e problemanan ta bin, pasobra bon mira, lo mester bin escogencia di prioridad. Cria di bestia, por ehemplo, dificilmente por prospera y produci proteina animal na prijs competitivo, banda di e desbentahanan cu e actividad ta trece cu ne: destruccion di naturalesa (cabrito), molester di holo y problema di higiena (galiña, porco), sigur riba un isla unda urbanisacion a acapara gran parti di e isla caba.

Igualmente, agricultura cu ta rekeri tereno grandi tampoco lo tin futuro, pasobra e miho terenonan pa esaki ya ta yena cu cas, por ehemplo Tanki Leendert y Savaneta. Sinembargo, horticultura riba tereno limita, cu bon control riba uzo di awa, y dirigi riba producto di calidad halto y di bon uzo riba mercado local, incluyendo restaurantnan, ta parece di tin futuro. E no ta un sector totalmente ausente na e momento aki, pero esunnan cu a logra te awor a haci esaki, a haci esey mas a pesar di gobernacion, cu realmente tabatin un maneho estructura basa riba common sense. Un ehemplo di unda e common sense no tabata t'ey, ta e cargamento di awa cu truck hiba pa e agricultornan. Cu e costonan halto di transporte den consideracion, tin otro manera pa subsidia awa pa e agricultor.

Finalmente, algo tocante e palabra magico cu, nos ta supone, tabata ausente den e informe Hulandes, cual ta 'calidad'. Den e mundo aki no ta prijs ta manda, pero e correlacion prijs/calidad. Si esey no tabata asina, anto turismo di Aruba lo a desaparece hopi tempo caba, pasobra ta hopi mas barata bay Punta Cana o Varadero cu bin Aruba. Nos no mester subsidia e sector di horticultura aki, no como prome medida, pero ban cuminsa cu kita e bareranan cu gobernacion mes ta pone riba henter economia. Nan ta hopi.

Nicaragua: Venezuela y Cuba unico amigonan presente den celebracion

(La Prensa / elNuevoDiario) –E canciyernan di Venezuela y Cuba tabata e unico huespednan di exterior cu tabata presente na e celebracion gubernamental diahuebs pasa di 19 di juli, dia di liberacion di e dictadura di Somoza. Dilanti miles di simpatisante Sandinista, Jorge Arreaza a bisa cu su gobierno ta dispuesto di manda hende pa Nicaragua pa “defende independencia y soberania”.

El a afirma cu na Nicaragua e imperialismo Norte Americano ta uzando e mesun strategia aplica na



Venezuela, pa fomenta un golpi di estado contra presidente Nicolas Maduro. Referiendo na e congresista Mericano Marco Rubio, Arreaza a yam’e Narco Rubio,

señalando Rubio como un di e participan den e supuesto conspiracion contra gobierno di Ortega. Daniel Ortega mes a concentra su discurso riba un

ataque contra e Conferencia Episcopal di Nicaragua, y a descualifica nan como mediador den e dialogo nacional, y a acusa nan di a scoge banda di loke e ta yama ‘terrorista’ y di ta complice di e intento di bah’e como presidente. Su ataque a tuma lugar den presencia di e nuncio apostolico Waldemar Sommertag, cu a subi riba e tarima a pesar di e ambiente enemistoso y e agresion verbal di Ortega.

Ortega a anuncia “mas medida di auto defensa” ignorando asina e peticionnan internacional pa para e violencia di su simpatisantenan, organisa den gruponan para militar. El

a lamenta e morto di como binti polis y para militar, pero no a bisa nada di e mas di 300 victimanan civil. Tambe el a acusa iglesia catolico di uza e misanan como luga di warda arma y pa reuni pa sali y ataca y asesina, y pa refugia torturador.

Despues di e ataque di Ortega, monseñor Silvio Baez a skirbi riba su cuenta di Twitter: “Iglesia no ta sufri pa ser calumnia, agredi y persigui. E ta sufri pa esunnan asesina, pa famianan cu ta yora, pa esunnan deteni inhumamente y pa esunnan cu ta huy di e represion. Nos ta resa y lo ta semper na nan banda, den nomber di Hesus.”

Venezuela: Merca cu excepcion di sancion pa facilita cobro di garantia riba Citgo

(La patilla / BancayNegocios.com) - Estadonan Uni a emiti diahuebs ultimo un excepcion riba e sancionnan contra e bononan Venezolano, pa permiti cu e tenedonan di e bono Pdvsa 2020 por reclama e cobransa di nan garantia (mas cu mita di e accionnan di Citgo) den caso cu gobierno di Nicolas Maduro no por cumpli cu e pagonan, segun e medio BancayNegocios.com.

E Oficina di Control di Activo Stranhero (Office for Foreign Assets Control; OFAC) a publica e licencia number 5 cu ta autorisa e ciudadano o empresanan Mericano cu



tin den nan poder e bono Pdvsa 2020, exige e colateral di e instrumento (50,1% di e accionnan di Citgo) den caso cu no ta cumpli cu e pago, accion cu tabata prohibi di acuerdo cu e terminonan di un orden ehecutivo di presidente Donald Trump,

firma na mei pasa.

“Ta autorisa e tenedonan di bono pa por eherce e derechon relaciona cu e bono Pdvsa 2020, pa impedi cu e regimen di (Nicolas) Maduro ta uza e orden ehecutivo pa keda sin cumpli cu su obligacionnan di bono,

sin consecuencia. Cu e meta di proporciona e autorisacion ey, OFAC ta emitiendo e licencia general 5, cu ta elimina e orden ehecutivo 13.835 como un obstaculo pa e titularnan di bono Pdvsa 2020 por accede na nan garantia, y asina mantene e presion di e sancionnan unda nan mester ta: riba e regimen di Maduro”, Ofac ta señala riba su website.

Nota di redaccion: E garantia di 50,1% di e accionnan di Citgo a ser otorga na tenedonan di un prestamo grandi di US\$2,8 biyon cu Citgo Petroleum y Citgo Holding a tuma na 2015, pa pasa pa Pdvsa como dividendo, cu ta propietario

100% di Citgo. Despues a compromete e restante 49,9% di e accionnan como garantia di cumplimiento cu e empresa petrolero Ruso Rosneft, pa prestamo di e empresa ey duna na Pdvsa.

Den e caso cu e tenedonan di bono logra via corte tuma control di 50,1% di e accionnan, practicamente e control di Pdvsa y gobierno Venezolano riba Citgo Petroleum lo yega na un fin. E companianan funda na Aruba cu ta carga nomber Citgo no tin relacion huridico cu Citgo Petroleum Corporation, pero ta subsidiario di PDV Holding na Merca, cu na su turno ta subsidiario 100% di Pdvsa.

Venezuela: Segun Walk Free e pais cu mas esclavitud moderno na Latino America

(Infobae/EFE) - Venezuela ta, hunto cu Haiti, e pais cu mayor influencia di esclavitud moderno na America Latino, segun un informe cu a ser publica diahuebs pa e fundacion Walk Free, y presenta na Nacionnan Uni.

E Indice Global di Slavitud 2018 ta calcula cu 174.000 persona ta sufri di e situacion akiden territorio Venezolano, un cifra di 5,6 pa cada 1.000 habitante.

E proporcion aki ta similar na esun di Haiti, unda 59.000 persona ta victima, cifra cu ta riba esun di otro paisnan di e region.



Tras di Venezuela cu Haiti, ta Republica Dominicana, Cuba y Honduras ta e paisnan di America cu problema mayor di esclavitud moderno.

En total e organizacion ta calcula cu casi dos miyon persona riba continente America tabata na 2016 den un situacion di esclavitud,

principalmente ta forsa pa traha. Algo mas di un tercio lo por ta haci esaki pa paga debe, segun e informe a splica.

Aunke e documento no a specifica, e expertonan ta considera cu e crisis na Venezuela ta aumenta di forma importante e cantidad di persona na riesgo, mas

cu tur e inseguridad di alimentacion y e fluho di refugiado pa otro paisnan.

Asina Davina Durgana a splica, un di e autornan di e informe, ken a subraya ademas cu e autoridadnan Venezolano ta entre esunnan cu ta duna un contesta mas malo pa resolve e problema di esclavitud moderno na henter e continente.

Na e otro extremo ta situa Merca, Argentina y Chile, cu un avance importante di e dos paisnan Sur Americano, diferente cu año 2016.

Hulanda tin un clasificacion ‘A’, cu ta e pais cu miho contesta riba e problema di

esclavitud, segun Walk Free.

E informe aki ta elabora cu datonan di 2016, ta defini esclavitud moderno como un situacion cualkier di explotacion di cual un persona no por sali, causa pa menasa, violencia, abuso di poder o engaño.

Walk Free ta un organizacion crea pa e magnate minero Australiano Andrew Forrest pa combati esclavitud moderno.

E indice global di esclavitud a uza investigacionnan cu lider mundial pa calcula e prevalencia di esclavitud moderno pais pa pais, na mas di 160 pais.

EARN & GET GIFT DAY

PLAYER'S CHOICE OF FREE GIFTS

SATURDAY JULY 21TH, 2018

Guest must earn **50 POINTS** from 10AM - 8PM to qualify.



PLAYERS GIFT GIVEAWAY

USA TOTE & 6 CAN COOLER COMBO

GIFT PICK UP 5PM - 8PM | **TA BOOT**

Open To All TROP ADVANTAGE® Members. One gift per person. Limited quantity. Black & Platinum Card Members may pick up their gift from 4PM until 8PM (one hour early). Limit One Per Patron. While Supplies Last. No rain checks

MORE OFFERS. MORE REWARDS. MORE CHOICES.

TA TROP ADVANTAGE®

TROPICANA
ARUBA RESORT & CASINO
A TROPICANA ENTERTAINMENT PROPERTY

888-817-5735 | TROPARUBA.COM | J.E. TRAUSSQUIN BLVD. 248, ARUBA, DUTCH CARIBBEAN

Must be 18 or older to play. Play responsibly. Gambling problem? Call 1-626-960-3500, or visit www.gamblersanonymous.org. Certain restrictions apply.

Costa Rica: Lo bay instala shelter pa refugiadonan Nicaragüeño

(Lapatilla) - Despues di ricibi un aumento grandi di migrante di Nicaragua ultimamente, cu ta involvi den un crisis politico grandi, e minister di Asunto Exterior di Costa Rica, Epsy Campbell, a informa ayera cu Costa Rica a pidi e apoyo di organismonan internacional pa atende e demanda creciente di migracion, na shelter maneranaeinstalacionnan di direccion di Migracion, luga na unda a yega un fila largo di Nicaragüeño cu ta solicita asilo o ta busca legalisa nan situacion. “Na frontera (cu Nicaragua)



ta yega entre 100 pa 150 persona pa dia cu ta drenta pa prome biaha na Costa Rica, loke ta indica cu e situacion interno di Nicaragua tin un repercusion directo,” Campbell a bisa na periodistanan den un sesion di conseho di gobierno. E canciyer y vice-presidente a indica cu e fluho migratorio ta leu di ta un situacion di crisis, cu ta defini como

situacion di mas di 5.000 entrada pa siman. Sinembargo, e director regional di e Organizacion Internacional pa Migracion (OIM), Marcelo Pisani, a bisa na Panama cu e fluho di migrante Nicaragüeño ta relativamente abao. “Na e momento aki, nos no ta mira cu e cantidad di migrante Nicaragüeño ta aumenta na e paisnan bisiña”, e director di OIM pa Norte America, Centro America y Caribe, a bisa. A señala cu e filanan di migracion di Costa Rica ta debi na Nicaragüeñonan cu ta biba na e pais ey y nan ta trata di probecha di e crisis pa



regla nan situacion legal. Asina mes, Costa Rica a ricibi apoyo di OIM y di Alto Comisionado di ONU pa refugiado (ACNUR) pa instala dos shelter, un den Norte y otro na sur di e pais, como tambe pa por fortalece e atencion di migracion. Medionan di prensa a

informa cu 60 persona tabata drumi den e parke La Merced di San Jose, un punto di concentracion pa Nicaragüeño. Campbell a bisa cu e personanan ey a ser hiba pa un shelter di migrante na e localidad di Golfito, den sur di e pais. E minister a destaca e gestion realisa pa su gobierno ya cu e situacion di Nicaragua lo ta bay discuti pa e comunidad internacional. “Lo ke ta pasando na Nicaragua ta inaceptabel, tin como consecuencia directo den nos pais, e mondi tin cu pone su wowonan na Nicaragua”, a sigura Campbell.

Peru: Pueblo riba caya ta exige reforma den e sistema hudicial

(LaRepublica) - Ayera e indignacion a tuma e cayanan di henter Peru. “Nan tur tin cu bay” no tabata solamente un pedido general: e tabata un grito di hartazgo. E grito aki tabata resona na Lima, Arequipa, Cusco y Ayacucho, Trujillo y otro ciudadnan, miles di persona a tuma e principal cayanan pa manifesta contra e corrupcion den gobernacion. Ehecutivo, Congreso, Poder Hudicial y Consejo Nacional di Magistratura (CNM) tabata e principal centronan di reclamo ciudadano. Mescos



a sucede cu personahenan di politica nacional manera presidente di Congreso, Luis Lagarreta; e lider di Fuerza Popular, Keiko Fujimori, y e parlamentarionan Hector Becerril y Mauricio Mulder. E rechazo pa e clase politico a yega na caya pa e revelacion di un serie di audio telefonico cu ta involucra e alto mando

di e sistema hudicial, lidernan politico y parlamentario cu presunto delitonan di corrupcion y trafico di influencia. Despues di casi dos siman di e difusion di e prome audio, e ciudadanonan a tuma e decision di manifesta di manera masivo. Na e capital, e protesta tabata tin Plaza San Martin como punto di encuentro pa mas di 50.000 persona cu a cuminsa un recorrido den e principal cayanan di e centro di ciudad. Oranan prome, e presidente di republica Martin Vizcarra a duna su respaldo na e

marcha desde Universidad Nacional di Ingenieria (UNI), luga unda el a ricibi un condecoracion. “E mobilisacion di awe realisa na henter Peru, boso tin mi respaldo pasobra hunto nos tin cu combati e corrupcion... Awo nos no por haci otro cos cu uni na e indignacion ciudadano. Nos, den e mobilisacion social, nos ta mira un gran indignacion di e poblacion, pero tambe un mensahe di speransa,” e mandatario a bisa, ken un siman pasa caba a ricibi e renuncia di su

ministro di husticia, Salvador Heresi, despues di e difusion di un audio cu ta relaciona cu e hues Cesar Hinostroza Pariachi. Estudiante y profesor universitario, gremio, sindicato, colectivo ciudadano, artista y varios colegio di profesional a participa na e protesta. Na e marcha a uni e congresista di e partido Nuevo Peru, lidera pa e ex candidato di presidencia Veronika Mendoza, como tambe militantenan di Frente Amplio.

Puerto Rico: Persona transgenero por cambia genero riba nan acta di nacemento

(ElNuevoDia) - Desde dialuna 16 di juli personanan transgenero na Puerto rico por solicita cambio di nan genero, manera registra na Registro civil, y haya un acto di nacemento cu e genero nobo. Pa e transgenero Ivana Fred, e certificado di genero nobo cu ta confirma su identidad no ta meramente un documento, sino cu e ta un paso mas pa yega na respet, cu pa decada tabata nenga nan.

“Unabes cu esaki ta estableci, e respet pa e identidad di genero di otro persona, cu nan por stop di mira como un fenomeno, como e mucha homber cu a bira mucha muhe, o e mucha muhe cu a bira homber, y cu nan por cuminsa mira nos como ser humano, punto”, Fred a bisa den entrevista cu El Nuevo Día. Fred, ken pa hopi aña tabata un di voznan di defensa di e comunidad transgenero

na e isla, a solicita diamars un copia di e certificado di nacemento cu ta valido su identidad como muhe, tal como otro documentonan oficial, manera su rijbewijs y paspoort, ta bisa. E orientacion emiti pa e Departamento di Salud ta responde na un disposicion di e hues di distrito federal Carmen Consuelo Cerezo, ken a declara como acto inconstitucional e politica di gobierno di Puerto Rico

di no permiti cu personanan transgenero o transsexual por a cambia nan acta di nacemento. El a bisa cu e disparidad entre e documentonan di identificacion di e comunidad transsexual tabata limita e accesibilidad na servicio cu por varia di solicitud di empleo te na peticion di servicio medico. “E tabata limita bo na e genero asigna na nacemento basa

riba e documento aki. Esaki ta parti di brinda husticia na e comunidad transgenero, ya cu di e manera ki nos ta keda salvaguardia den algo cu tin base den mi identidad di genero actual”, Fred ta bisa. “E lo habri porta pa mi den hopi cos den cual ya mi no mester ta duna splicacion na ningun hende”, el a bisa, confia cu ta trata di un paso mas den direccion di plenitud di e comunidad transsexual.

Venezolanonan mester vacuna contra kentura geel

WILLEMSTAD – E Venezolano nan cu ta biahando pa Corsou mester muestra cu a wordo vacuna contra kentura geel. Esaki no ta pa motibo cu nan tin e posibilidad di haya e malesa aki, pero ta pa motibo cu e kentura geel ta un problema di salud na Venezuela.

Esunnan cu ta plania pa biaha pa e pais, tambe ta haya e con-seho pa tin tur e vacunanan den ordo y mester tin e stempel-nan necesario den e buki di vacuna. Esaki ta segun e fuente Curaçao Chronicle.



Futbolista Tahith Chong haci su debut cu Manchester United

WILLEMSTAD – Reci-entemente e futbolis-ta profesional, Tahith Chong a haci su debut cu e ekipo di Manches-ter United. Aki ta unda e futbolista yiu Corsou a hunga den un wega cu a keda empata 1-1 cu Club America na Phoenix, Ari-zona.

Tahith Chong a bin Man-chester United dos aña pasa yegando for di Feyenoord. Awor e ta keda mira como



e solucion eventualmente di e problema di ManU riba e posicion di hala drechi. Chong por hunga ambos banda pero ta prefera na man drechi. E ta dribel e bala ma-sha bon mes y ta ataca direct cu ta hasie un hungado peli-groso. E director tecnico di ekipo, Jose Mourinho tabatin hopi elogio pa e futbolista yiu di Corsou, Chong den su 30 minuutnan cu el a hunga. Chong di 18 aña, kende tem-porada pasa a keda scochi como e miho futbolista ho-ben di Manchester United, tabata crucial den e gol di su ekipo pa iguala e wega na 1-1. Chong a impresionar como atakante riba hala drechi, e posicion 7, prome y despues di e gol. Mourinho ta kere cu e unico limitacion te ainda pa Chong ta su fisica pero a elogiar pa su confiansa. “E ta-bata bon, el a bin pa demostra kico e tin y na un momento cu nos no tabatin delantero. Nos tabatin mester di uno cu por a crea wega y tuma un iniciativa, cual el a haci. E ac-cion pa crusa e bala pa e gol tabata un accion bunita. E tabata entusiasmo y a hunga cu confiansa. Ora cu e tin contacto di curpa e ta perde esaki pa motibo di su limi-tacion pero ora e pone e bala move y ataca un riba un, e tin calidad. E ta un bon mucha”, asina Mourinho a bisa. Esaki ta segun e fuente Extra. Adicionalmente Mourinho a



bisa cu e tin un plan pa Chong train mas tanto posibel cu e ekipo ya cu esey ta yuda cu su desaroyo pero e tin cu hunga unda e ta pertenece, e tin cu hunga den academia y desar-oyo fisicamente paso esey no ta cla ainda. E ta fragil, e ta un mucha ainda.” No mester lubida cu Chong a perde 10 luna di desaroyo despues di a sufri un lechon serio na su rudia aña pasa. Manchester United ta cuidadoso cu ne y no kier pur’e bek. Su companeronan di ekipo tampoco no tabata falta pal-abra pa duna elogio na Chong su debut cu e ekipo grandi y fanaticonan ferviente di e ekipo tampoco no a keda atras. Palabranan manera, e futuro #7 pa MANU, spera cu e haya un oportunidad e temporada aki, ke prospecto. Den su carera den e organisa-cion di Manchester United, Chong tabatin 31 aparicion, 10 gol, 9 asistencia y 129 minuut di envolvimento di-recto cu gol. Chong mester tin pasenshi pero sin duda un gran co-mienso segun analistanan di e ekipo Ingles.



**Relojes
Pulseras
Cadenas
Dijes**

Nos ta graba
tur sorto di
articulo
di metal
yama of
bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

“COMPRA Y VENTA”

Bachue
Joyeros

**Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm**

BACHUE

**JOYERIA
COMPRA Y VENTA**

Abo!

**No tin tempo
pa Laba y Seca bo
Pañanan!**

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm
Tel: 587 0772



Gobierno di Corsou ta lamenta declaracion haci pa minister Blok

WILLEMSTAD – E gobierno di lamenta profundamente e declaracionnan cu e minister di asuntonan di exterior. E gobierno no ta di acuerdo cu e declaracionnan cu tambe ta mishu cu e cornea di e sociedad multicultural di Corsou.

“Esaki ta precisamente locual ta haci nos diversidad poderoso. Como Corsou, nos ta orguyoso di e echo cu nos



ta un sociedad traha di diferente nacion di mundo cu ta biba uni cu paz y

harmonia, a pesar di diferencia of origen etniconan y religioso. Nos union den diversidad ta keda aprecia na Corsou y recientemente nos a celebra nos dia di himno y bandera”, esaki ta locual gobierno di Corsou a bisa den un comunicado.

E gobierno di Corsou ta desea di enfatisa cu minister Blok tambe ta representa e cuater paisnan multireligioso, multicultural y multietnica den reino y e ta representa nan den rela-

cionnan di exterior. E expresionnan di minister Blok ta nota representativo di e realidad den parti Caribeño di reino, pero esaki ta lo contrario. Esaki ta segun e fuente Curaçao Chronicle. “Den nos opinion Corsou ta un sociedad multicultural cu ta refleha un imagen mayor di normanan y balornan, como husticia tolerancia y libertad cu nos ta comparti hunto den reino. Algo cu ta haci e cuater paisnan den reino unico.”

Advertorial

KFC ta regala AWG 1000,- Mostra bo dance skills cu KFC su jingle nobo



ORANJESTAD - KFC a dicidi di duna nos hobennan na Aruba e oportunidad pa gana Awg 1000. Pa haci esaki ta hopi facil. Riba e website di KFC cual ta www.kfc.aw. Eynan por haya e jingle nobo cual a wordo traha pa Valentino King.

Bo ta download e cantica y bo ta traha bo mesun video cu bo mesun pasonan. E reglan-

an pa participa ta lo siguiente: Mester ta un grupo maximo di 4 hoben di edad 12 pa 18 aña, mester tin cuminda y productonan di KFC den e video, cualkier creatividad extra ta bon bini. Tur menor di 18 aña mester tin permiso di nan mayor representante legal. E video mester wordo manda na infokfcaruba@gmail.com prome cu 10 di augustus 2018. E videonan lo bay wordo publica riba Facebook y Instagram y na final nos lo informa riba social media di e grupo ganadora. Pa saca e grupo ganado lo conta cu e cantidad di likes riba social media y un panel di hurado cu ta consisti di Valentino King, Roshen Donata y management di KFC. E grupo ganado lo ricibi AWG 1000,- y lo ta den e video clip oficial.

KFC ta sigur cu na Aruba nos tin un cantidad grandi di hoben cu tin hopi talento y sigur esaki lo yuda pa e hobennan di Aruba muestra esaki.

Tambe KFC ta recorda co-

munidad cu ainda no a haya oportunidad di busca e Fan Variety Bucket cutainclui 6 pida galiña, 6 strips, 6 wings, 6 nuggets, 3 sides grandi di bo gusto, 1 boter di Pepsi di 2 liter y 1 tas reusabel pa solamente 65 florin. No lubida cu ainda esaki ta posibel y cu


si bo yena bo informacion tras di recibo y deposita esaki den e tombola bo por bira e ganado di 1 di e 40 balanan cu lo wordo regala pa fin di luna. Di cada tienda lo saca 10 ganado.

KFC ta gradici e comunidad di Aruba cu semper ta apoya

nan y cu esaki sigur KFC kier duna algo bek na nos comunidad.

Pa mas informacion por bishita www.kfc.aw of sigui KFC riba Facebook y Instagram.

☐ KFC It's Finger Lickin Good.



Red Cross + Aruba

**NO
SCONDE
MOS**

Kiwanis
CLUB OF ARUBA

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA HUUR

una habitación en Sero Blanco para una mujer, tiene cocina, baño, cama, tv, aire inverter, closet. Renta 400fl Dep.300 fl
Tel. 562 3006

SERVICIO PUBLICO

Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi . Tur siman

TA BUSCA

Trabow part time preferibel entre 5 pm - 9pm
Please yama
Tel: 564 3588

FOR RENT OR SALE by owner

1 Bedroom suite at Amsterdam Manor Beach Resort week 22 (26 may-june 2) 2018
Rent \$750 sale: negotiable Info
Tel. 584 1008 / Cel. 594 2502

SERVICIO PUBLICO

ta yuda busca cas pa cumpra of huur
Tel. 563 1449

TA HUUR

Cas na Mauritsstraat # 8 San Nicolas 1 of 2 pers.
Per 1 aug.
Tel. 592 0061

TA HUUR

Appt na Seroe Patrishi, 1 camber full muebla exclui awa y coriente 1 luna + deposito pa 1 pareha
Tel : 582 6618

SERVICIO PUBLICO

Se ofrece enfermera para cuidar a ancianos o discapacitados
Tel. 566 3098

TA BENDE

Time Share Renaissance 1 Br wk 45 Room 2553 Private Island \$3.000
johnnypaesch@gmail.com
Tel. 630 1307

SERVICIO PUBLICO

ta drecha tur sorto di Imagen
Tel. 584 2489

SERVICIO PUBLICO

Construction remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs
Tel. 593 3141

SERVICIO PUBLICO

Mi ta ofrece pa cuida mucha y hende grandi, haci cas limpi
Tel. 748 7066 / 748 7041

SERVICIO PUBLICO

Buscando auto pa huur y na bon prijs? yama nos
Tel. 593 9953/ 593 8453

SERVIO PUBLICO

Smart Electric Aruba Ta haci tur tipo di trabou di coriente di cas, meter apart, water heater, ac, etc)
Tel. 565 6638

SERVICIO PUBLICO

Paraiso de Rosa Ta ofrece su servicio pa cuida hende grandi. Nos ta hende especialista cu pasenshi y servicial
Tel. 566 2687 / 732 2590

TA HUUR

Apartamento grandi 35 m2 na San Miguel 5 minuut for di hotel area pa 1 of 2 persona so Pa mas informacion yama
Tel.592 2688

SERVICIO PUBLICO

Master Nails Pa e miho servicio y experiencia den mantencion y atencion pa bo huñanan. Yama pa un cita
Tel. 744 9214

SERVICIO PUBLICO

Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs
Tel. 738 1908

TA HUUR

Studio na Aruba Beach Club por acomoda 4 pers.
Siman 28 di July prijs: \$750
Tel. 582 2320

TA BENDE

Camaro 2015 Low miles prijs negotiable Interesado yama y manda bo oferta
Tel. 594 4731

GRATIS

Nos ta piki tur sorto di auto bieu, gratis. Tambe aircro, bateria, stoof, wasmachin, frigidaire etc
Tel. 561 4297 / 561 5179

SERVICIO PUBLICO

Mi ta ofrece servicio di electricista, electricidad en general, problema cu corto circuito y mantencion
Tel. 566 5026

TA BENDE

un cas na Wayaca Residence 3 camber, 2 baño.
Afl.525.000 (negociable)
Tel. 592 9966

SERVICIO PUBLICO

Masaje relajante, sports masajes, aroma terapia, piedras calientes, reflexologia, faciales Sabana Basora # 157 P.Ch.
Tel. 561 8520

TA HUUR

Cas di 3 camber na San Nicolas
Tel: 563 1449

TA HUUR

La Cabana Timeshare 1 camber di 29 di maart te 6 april Semana Santo
Tel. 583 8132 / 641 6184

TA BENDE

Plastic septic tank 1000 gallon 3500
Si ta interesa por yama
Tel. 741 7262

TA BENDE

Un Terreno propiedad cu caminda di klinkers na Tamarijn pa traha e cas di bo soño
Tel.582 8080

TA BENDE

SUV Mitsubishi Montero den bon estado Afl.4.000 Pa mas informacion por yama
Tel. 597 7815

TA BENDE

Suzuki Alto 2001 automatic Fls.2500
johnnypaesch@gmail.com yama pa mas info
Tel.630 1307

SERVICIO PUBLICO

Barata Barata Nos ta chapi, lanta sushi, spuit veneno, corta mata, na bon prijs Arubiano balente
Call 592 5766

SERVICIO PUBLICO

Tengo la disponibilidad de trabajar (todo horario) para cuidado de niños, ama de casa, guarderia y niños adolescentes
Tel.630 4341

SERVICIO PUBLICO

Psychic Riley let me help solve your problems in love marriage finance career and family with immediate results
Call 001 747271 9899
wyat tearp14@sbcglobal.net

SERVICIO PUBLICO

Ta furra tur sorto di stoel tambe dashboard di auto/porta Trabouw garantiza, hopi variedad di tela
Tel. 746 0518

TA BENDE

una bicicleta marka Hugs nobo
Tel. 566 1840

SERVICIO PUBLICO

Se ofrece servicio de reparacion e instalacion de aires acondicionados Split e industrial tambien reparamos frigidaire, cuartos frios y fabricantes de hielo
Tel. 600 0750

TA BENDE

Tereno eigendom 1187 m2
Tel. 563 1449

TA BENDE

Hyundai Sonata 2016 very low miles Almost New Prijs Afl.44.000 ganga Prijs negotiable (finance posible)
Tel. 594 4731

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia24.com**

Milly Grullon:

‘Si den 23 aña bo no a siña diagnostica un embarazo djis quit bo funcion’

ORANJESTAD - Despues di 20 aña cu mi a haya un yiu homber, por fin mi a sali na estado atrobe. E felicidad den mi curason tabata asina grandi cu no tin splicacion pe, mi yiu lo a haya e ruman cu tanto e la pidi mi.

Como normal, mi a bay dokter di cas (Dr. Every) mi a bis’e kico mi ta sinti y e la manda mi haci e testnan necesario, 2 dia despues su secretaria a yama mi pa bisa cu tur cos ta bon, y ta anemia mi tin... Mi no a keda contento cu e resultado paso mi sa cu no ta berdad, mi no tin anemia mas bien tur mi sintomanan ta di un muhe na estado.

Mi casa a bisa mi bay otro pais y busca un dokter drechi pa wak bo. Mi a bis’e ok. Mientras cu mi ta cu preparacion

pa bay Rep Dom mi a purba un bi-aha mas cu dokter Every, mi a pidi’e pa haci e testnan atrobe of manda mi specialista.. su contesta tabata: Cu e tin 23 aña como dokter y e sa su trabou. Cu mi no tin nada y ta anemia so mi tin, y si ta menstruacion mi kier haya e por duna mi un pildo pa bah’e.

Cu mi mester ta contento di no tin’e, pasobra mi no mester di dje. Mi no por a kere loke dokter a caba di bisa mi. Ofrece mi un pildo pa baha mi menstruacion sin wak kico a mi tin. Dia 22/06/18 mainta mi a bay laboratorio familiar riba mi mes pa haci un pregnancy test, lo cual a sali positivo. Increibel cu un dokter cu 23 aña di funcion no por diagnostica un embarazo y para ariba cu ta anemia mi tin y nenga di manda mi specialista pa spaar placa di AZV.

Riba e mesun dia na trabou mi a cuminsa haya hopi dolor, mi supervisor a bisa mi bay cas bo no por traha asina. Pa ora cu ma yega cas mi tabata muriendo di dolor. Mi yiu homber spanta a yama ambulance y danki Dios nan a yega di biaha, hiba mi hospital, pa ora cu mi a yega ya mi baby tabata morto. Esaki a laga un tristesa, un dolor y hopi rabia den mi cu solamente Dios por sa. Mi baby a muri sin por a haya e cuida medico cu mester a haya si dokter Every lo a haci su trabou. Mi yiu homber a keda sin ruman y ami a keda sin e baby tan desea.

Dokter Every mi tin 3 cos pa bisa bo:

#1. Bo a huramenta como dokter pa salba bida di hende y no pa save placa di AZV, danki na esey mi baby ta morto awe.

#2. Mi ta spera bo 3 yiunan nunca mester pasa den loke a mi a pasa, si un dia sosode djis hala un banda y laga otro dokter take care di nan pa nan por tin miho resultado. #3. Maldita sea e placa cu ta drenta bo cas a base di negligencia medico, sin importa ken bo ta mata y ken bo ta yuda. Mi mes un bida tabata na peliger sin cu ami sa pasobra bo a nenga di haci bo trabou. Esaki Dios a permiti y mi ta acepta su voluntad, pero esey no ta kita e tristesa, e dolor y e rabia cu mi y mi famia ta sintiendo. Por ultimo: si den 23 aña bo no a siña diagnostica un embarazo djis quit bo funcion y bay wak novela na cas. Y no sigui pone bida di hende den peliger. Mi kier a gradici e personal di ambulance y e dokternan cu a yuda mi na hospital, e dia tristo aki.

Huma den dak di Mc Donald na Palm Beach



PALM BEACH - Diahuebs anochi laat trahadonan di McDonald's Palm Beach a bati alarma na central di polis, paso lo mester tin huma ta sali for di den dak.

Mesora central di polis a manda dos patruya pa e sitio y tambe a notifica brandweer cu tambe a manda un unidad pa e sitio. Na yegada di e patruyanan nan a cuminsa manda e trahadonan bay para pafu pa nan mesun siguridad y tambe pa laga e luga liber pa asina cu brandweer yega nan cuminsa inspecciona e luga. Na yegada di brandweer e trahadonan a conta cu esunnan trahando den cushina a mira manera un flash y despues hopi huma a cuminsa sali for di e dak. Cu herment special personal di brandweer a drenta paden y asina controla e luga y tambe den plafond pa wak si por tin candela den plafond. Despues di inspecciona ful e luga brandweer a constata cu ta un blower lo a kima y esey a saca basta huma, pero no tawata tin candela. E trahadonan por a regresa paden bek pa asina caba di cera e luga.

Paseo Herencia
Presents

SCHOOL'S OUT!
POST & WIN CAMPAIGN

LIKE PASEO HERENCIA SU **facebook** PAGE. POST UN POTRET HACIENDO LOKE MAS BO GUSTA NA PASEO HERENCIA. POTRET CU MAS LIKE Y SHARE LO GANA PASEO HERENCIA GIFT CERTIFICATES NA BALOR TE CU 500,- FLORIN

*PARTICIPACION TA VALIDO DESDE 16 DI JULY TE 30 DI JULY

Parking available in Paseo Parking Garage at Afl. 1.75 / \$ 1.00 per hour
Paseo Herencia Shopping Center • J.E. Irausquin Blvd 382-A • Palm Beach, Aruba

#paseoherencia

Chauffeur bou influencia

Dos persona levemente herida den accidente

ORANJESTAD - Na e rotonde di Belgiestraat diahuebs atardi, un chauffeur masculino den un Toyota a dal tras di un Honda.

E impacto a laga tanto e chauffeur y e pasahero den e Honda cu dolornan na curpa. Polis a presenta debi cu e chauffeur tabata muera di ta bou influencia. A pone supla na e sitio y a detene debi a surpasa e limite. Ambulance a presenta, unda a controla ambos persona. No ta conoci si e heridonan mester a bay hospital.





Polis bayendo pa caso di urgencia a accidenta

SANTA CRUZ - Diahuebs atardi patruya di Santa Cruz riba caminda di Piedra Plat, bayendo pa un caso di urgencia den area di Parke Arikok, mester a brake pero esaki a faya.

Riba e caminda un auto a brake na un t-weg riba e caminda principal y polis tambe a brake, pero e brake no a wanta y causa cu e vehiculo a dal tras di un otro.



 Departamento pa Asuntonan Economico, Comercio y Industria Prijsnan Maximo 			
Conforme regulacion ministerial a keda stipula prijsnan maximo di bentapa e siguiente productonan, entrante 21 juli 2018			
Articulo/Marca	Contenido	Prijs maximo di benta na e detallista (Afl)	Prijs maximo di benta na e consumidor (Afl)
<u>a.Koffie:</u>			
COLCAFE			
-powdered soluble coffee	Gelezen: 12/170 gr.	87,59	8,85
	12/250 gr.	118,55	11,98
MAXWELL HOUSE			
-100% colombian medium	Gelezen: 6/10.5 oz.	42,03	8,50
-lite ½ caffeine medium	6/11 oz.	39,69	8,02
-french roast dark	6/11 oz.	39,69	8,02
-beakfast blend light	6/11 oz.	39,69	8,02
-smooth master blend	6/11.5 oz.	39,69	8,02
-yuban traditional medium roast	6/12 oz.	46,47	9,39
<u>b.Boter:</u>			
ELLE & VIRE			
-packet unsalted butter 60% fat	Gelezen: 40/200 gr.	156,86	4,76
-packet salted butter 60% fat	40/200 gr.	156,86	4,76
-spread salted butter	12/250 gr.	82,66	8,35
-spread unsalted butter	12/250 gr.	82,66	8,35
-spread unsalted butter 41% fat	12/250 gr.	64,33	6,50
-soft & extra light unsalted 75%	12/250 gr.	46,95	4,74
<u>c.Melkpoeder:</u>			
NIDO			
-instant fort w vit c+fe pouch	Gelezen: 12/800 gr.	149,00	15,19
<u>d.Eetbareolie:</u>			
KING GOURMET			
-vegetable oil	Gelezen: 6/96 oz.	47,24	9,21

Nota: Pa eventual kehonan, fabor tuma contacto telefonico na 5212423.

Proximo publicacion lo tuma lugar dia 4 di augustus 2018 Peticion pa aumento di prijs mester wordo entrega prome cu 28 di juli 2018 pa por wordo procesa.

KANTOORRUIMTE TE HUUR

Mooie locatie te L.G. Smith Boulevard 22,
modern gebouw goed onderhouden.

Parkeerruimte, vlak bij Airport.

Oppervlakte 90 m2

bestaande uit meerdere ruimtes.

Prijs Afl. 3.500,- per maand

Telefoon 582-4417 of 594-0640 of 594-1826

Bahamento di dak di asbest; fiber a keda pega na curpa di persona

ORANJESTAD - Diabier-
na atardi autoridad a keda
informa cu tin dos per-
sona ta bahando un dak
di asbest, pero tin fiber ta
bula y esaki a afecta algun
persona na un negoshi pa-
bou di e cas.

E fiber lo a pega riba curpa di
hende y a pone nan grawata y
un a cuminsa habri na herida.
Esaki a pone cu bomberonan
a drenta accion tambe y uni-
dad di ambulance.

Di biaha bombero a cuminsa
na basha awa rond di e cura
di cas y e area unda e trabou
di asbest y kitamento di fiber
a tuma luga. E persona cu
tabata herida, bomberonan a
logra muhe cu awa pa asina
paramedico di ambulance
atende cun'e. Un di e perso-
nanan cu tabata traha na e cas
a bay y e otro a keda atras. Au-
toridad a hala nan atencion di
biaha di e caso, DTI tambe a
presenta pa traha rapport di e
caso.



Dos persona a confronta problema cu kayak den lama

ORANJESTAD - Dia-
huebs atardi un persona a
tuma nota di dos persona
riba un kayak cu a bay afo
y a pega riba e rif chikito
cu a crece.

Tabata un menor di edad cu
un persona di edad tabata

riba e kayak. A bati alarma,
unda di biaha e boto a sali pa
asina rescata e personanan
den problema. Ambos a keda
rescata y tur dos tabata herida
pa via di a trapa riba coral den
lama. Ambulance a presenta
y a atende cu nan.




GRILL & CHILL

Get your sizzle on this summer with a brand new grill from
Tropicana Aruba Resort & Casino! Simply play your favorite Slot
Machine or casino table game from July 1st through July 26th and qualify to
win during the Chill and Grill drawing at 7PM - 11PM! 10 points = 1 entry.

Promotion runs from July 1st, 10AM through 10:59PM on July 26th.

TA
TROP ADVANTAGE

Minister Chris Romero a forma parti di Conferencia di Union Postal di Caribe 2018



ORANJESTAD - Recientemente a tuma luga e Consejo Caribense di ministernan di Asuntonan Postal (Caribbean Council of Ministers of Postal Affairs), na Sint Lucia, caminda cu minister Chris Romero (MEP) a forma parti di esaki.

E tema pa cu e consejo di e aña aki tabata “Impulsando Inclusion Financiero Regional & Esfuersonan di Facilitacion di Comercio Electronico Via e Oficinanan Postal di Caribe”.

Conforme articulo 7.1 di e Constitucion di Union Postal di Caribe (CPU), e consejo di minister di asuntonan postal di Caribe ta responsabel pa e desaroyo di strategianan y politicanan na largo plaso den e materia postal, y di e futuro di e servicio postal den e region Caribense, delegando e implementacion di e strategianan y politiconan aki na e conferencia. Normalmente e Consejo ta convoca despues di e Conferencia, cu ta encarga di formula, asesora y prepara e politiconan cu e Consejo di Minister di Asuntonan Postal di Caribe ta establece.

Obhetivo di e Consejo 2018

Comercio Electronico, miho

conoci como e-Commerce, ta ofrece oportunidadnan postal pa desaroyo sostenibel y pa cu esaki e servicionan postal mester por ta bon posiciona pa tuma bentaha di e oportunidadnan aki. E obhetivo principal di e consejo tabata pa analisa y debati e rapport 1 di e Conferencia y su recomendacionnan, y asina tuma decisionnan cu e paisnan miembro di CPU mester implementa, pa local e Consejo lo garantiza e provision di recursonan suficiente, segun ta stipula den e articulo 7.3 di e Constitucion.

Eleccion di Secretario General di CPU

Un di e logronan importante durante e conferencia aki, tabata cu a apunta un secretario general nobo pa Caribbean Postal Union (CPU). E ta gratificante pa mira cu director di Post Aruba NV, Guillermo Raymond, a keda eligi como secretario general di Caribbean Postal Union. Esaki caba ta duna un impulso mas na nos servicio postal local pa por logra diversifica e maneho y servicio di e servicio postal na Aruba.

Meta pa futuro postal na Aruba

E siguiente meta pa e futuro postal di Aruba ta pa haci di nos isla e centro di

Pronostico di Tempo

Tempo:

Parcialmente nubia cu posibilidad di localmente un awasero breve
Temperatura maximo 32 grado Celsius y temperatura minimo 26 grado Celsius.
Solo lo baha awe nochi 07:09pm y lo sali mañan mainta 06:23am.



Biento:

Moderate te basta fuerte for di direccion oost te oost- zuidoost; forsa 4 te 5 (20 te 39 km/ora, 11 te 21 nudo). Den dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo).

Situacion general di tempo:

Den proximo 24 ora humedad den partinan mas abou di atmosfera lo soru pa principalmente den oranan di marduga y mainta trempa un awasero local desaroya. Mas aleu por bisa cu stof fini den aire procedente di Sahara lo stroba visibilidad un poco den proximo dia of dos.

Condicion di lama:

Olanan di lama lo ta for di direccion oost cu haltura di 4 te localmente 7 pia cu e olanan di mas halto na costanan oost, noordoost te noordwest di e isla caminda nan por yega 8 pia. Ta pidi usuarionan di lama y doñonan di boto chikito pa tene esaki na cuenta y procede cu cautela riba lama habri.



actividad postal pa Caribe completo. Poniendo enfasis riba un miho stipulacion di Comercio Electronico (e-Commerce), e Union Postal di Caribe (CPU) ta mira e posicion di Aruba como uno strategico y beneficoso pa un e-Commerce debidamente stipula, cual lo bira tambe un aporte adicional pa nos economia. A logra yega na palabracionnan concreto pa e futuro di Post Aruba NV y di servicio postal den Caribe en general, y pa es motibo minister Chris Romero su presencia tabata asina importante na e conferencia di St. Lucia.

INTERNATIONAL ASTROLOGER & SPIRITUAL HEALER
Internashonal astrólogo i spritual healer
Master : Ram Das shastri
Face Reading * Hand Reading * Horoscope Reading
11 Times More Powerful than other Astrologers
Pandit is Expert in Removing Black Magic, Obeya, Evil Energy, Butu, Witchcraft, Evil spirits & Bad Luck
TAKE RIGHT DECISION AT RIGHT TIME
solves BUSINESS PROBLEMS SEXUAL PROBLEM
CHILDLESS COUPLES HEALTH PROBLEMS, LOVE PROBLEM
MARRIAGE, WORK PROBLEM COURT CASES, ENEMY PROBLEM
FINANCIAL PROBLEM, EVIL SPIRIT DEPRESSION, EDUCATION
DIVORCE PROBLEM, BAD LUCK, CHILDREN MISTAKES
PH: 6308526 # 2 SWEELINCKSTRAAT
6308528 ORANJESTAD, ARUBA
Near EL Goucho Downtown

Let's Play Ball

BOSTON RED SOX VS YANKEES

PRIZES

1ST PRIZE
5 DAY TRIP TO BOSTON INCLUDING
2 GAMES OF **RED SOX VS YANKEES!**

2ND PRIZE
500 GIFT CERTIFICATE
SPORT SHOP

Coca-Cola

BURGER KING

PURCHASE FOR AFL. 35 AT ONE OF OUR BK LOCATIONS, FILL IN YOUR NAME AND PHONE NUMBER ON THE RECEIPT, DROP IT IN ONE OF THE BALLOT BOXES AND PARTICIPATE! FOR RULES AND REGULATIONS PLEASE VISIT OUR STORES OR OUR FACEBOOK PAGE.

@BurgerKingAruba facebook.com/BurgerKingAruba www.burgerkingaw.com

Dr. Carlos M. Viana na caminda pa Hapon pa congreso

ORANJESTAD - Dr. Viana a ricibi e grato noticia cu e la wordo invita pa participa na e di 26 ICNIM cu ta e Congreso Internacional di Nutricion y medicina integra (International Congress on Nutrition & Integrative Medicine) cual lo tuma luga na Sapporo, Hapon.

E simposio cual lo ta di 2 dia lo consisti di presentacionnan ariba estudionan haci recientemente ariba e ingredientenan nutraceutico di AHCC, Oligonol, Perilla y Aparagus.

E lo wordo atendi pa mas cu 400 investigador científico, doctor, y profes-



sionalnan den e industria nutricional di suplemento.

E aña aki e keynote speaker pa e evento lo ta Dr. Shigenobu Shibata. Dr. Shibata ta profesor na Waseda University na Hapon y ta e leader den investigacion ariba 'circadian rhythm'. E lo ta dunando un lectura ariba cuminda y salud basa ariba circadian rhythm.

Na Aruba, Corsou y Bonaire conhuntamente cu Oduber Agencies pa e ultimo añanan, sr. Viana ta hopi activo ta duna informacion ariba e beneficianan di AHCC cu ta un mushroom cu ta origina na Hapon.

Alviana Arends Miss Teen Model Universo Aruba 2018



ORANJESTAD - Diadomingo ultimo na Marriott Ballroom den conexion cu e celebracion di e 10 Aniversario di e certamen di Miss Teen Aruba Internacional, Alviana Davina Arends a wordo corona di un forma sorpresa pa dicho organisacion.

Segun e comunicado ricibi, Alviana ta un mucha muhe no desconoci den nos comunidad. Alviana a yega di representa Aruba den diferente certamen na nivel Internacional logrando mas



5 titulo internacional importante pa nos Isla. Alviana ta un mucha muhe hopi activo den nos comunidad haciendo trabou boluntario den diferente fundacionnan rond di nos isla, e ta un carnavalista activo, bailarina y modelo, y actualmente bishitando colegio Arubano.

E biaha aki Alviana a wordo scogi pa e presidente di MTAI, George Winterdaal, pa representa Aruba den un di e certamen di modelo mas importante di mundo, esta e Miss Teen Model Universo na Ciudad di Madrid, España na 2019. Esaki ta net 10 aña despues di a representa Aruba na Europa tambe, esta na Bulgaria.

Na aña 2009 Alviana a representa Aruba den e certamen Best Child Model of the World na Bourgas-Bulgaria konkistando e titulo maximo pa Aruba Best of the Best Child Model of The World, contra 52 pais.

E biaha aki su responsabilidad ta hopi mas grandi y manera e mes a bisa su compromiso di hiba Aruba su nomber dilanti ta semper 'e meta principal' ora cu e tin cu representa su isla den exterior.



Vacation day camp grupo scout St. Paulus Michael

ORANJESTAD - Recientemente grupo Scout St. Paulus-Michael, conhuntamente cu tur su unidadnan, a tene nan campamento vacacional. E aña aki den un forma alegre nos a tene un bustrip y asina pasa bishita y gosa di diferente puntonan strategico di Aruba.

Nos a bishita Casibari Rock Formation, Natural Bridge, Kapel di Alto Vista pa gradici Dios pa un bon aña escolar tras di lomba, saborea un dushi almuerzo na O'Niels Kitchen na San Nicolas y regresa bek na Baranca di Yerba unda e unidad di Troep y e unidad di Afdeling tabata campando pa asina gosa un rato alegre cu Zabivaka di Mundial Rusia 2018.

Palabra di danki ta bay na e mayornan, lidernan di Grupo Scout St. Paulus Michael y Scouting Aruba cu a haci esaki posibel. Mas cu claro tambe na ATHA pa e aporte financiero. Pasa un dushi vakantie muchanan y hobennan! Pa mas informacion por sigui nos riba nos pagina di facebook.



Charolyne Danker a gradua na Universidad di Aruba



ORANJESTAD – Recientemente Charolyne Danker a gradua pa Bachelor of Arts den Organization, Governance, and Management na den Aula di Universidad di Aruba.

Aki ta unda cu Charolyne Danker a defende su tesis exitosamente dilanti di e comision di graduacion cu tabata consisti di dr. Mieke de Droog, Judesca Briceño, MSC

y Angelique Croes, Director of Learning & Development na Hilton Aruba. E defensa di e tesis a tuma luga dilanti di un audiencia mixto di famia y estudiante.

Charolyne a haci su pasantia na Hilton Aruba den departamento di Recurso Humano ora e tabata den bachelor 3. Den e tempo ey Charolyne a haci su prome research pa e organizacion aki. Na mes



un momento el a experencia cu e departamento tabata tin interes den mas investigacion cu tin di haber cu recurso humano. Pa su tesis Charolyne a scoge pa investiga absentismo na Hilton y e strategianan cu tin pa atende cu esaki. Charolyne a haci un investigacion explorativo cualitativo. Ademá cu e la studia literatura di diferente pais tocante e topico aki e la traha un framework teoretico y e la haci 13 entrevista. Esaki ta segun e comunicado cu nos a ricibi di Universidad di Aruba.

E entrevista aki tabata cu personanan di tres diferente departamento di Hilton Hotel y un doctor di SVB. Asina e la colecta varios perspectiva tocante e topico interesante aki. E analisis a muestra entre



otro cu absentismo por tin su efecto negativo pa organizacion y empleadonan, pero tambe por tin efecto positivo. Ademá di esaki e analisis ta muestra cu e acercamento di e managernan pa nan empleadonan por tin influencia riba ausencia o absentismo. Un di e recomendacionnan di Charolyne ta pa haci un investigacion tocante e topico aki atrobe den futuro cercano. E compania ta hopi contento cu su investigacion cu e varios

perspectiva riba e topico aki y recomendacionnan pa e compania.

Charolyne a gradua den 4 aña cu un lista di cifra impresionante, aunke cu e la traha part-time y e a duna luz aña pasa. Universidad di Aruba, particularmente e departamento di 'Organization, Governance and Management', ta felicita Charolyne cu e logro aki y ta desea e tur clase di exito pa su futuro carera.



Apertura weganan Centro Americano y Del Caribe



ORANJESTAD – Diahuebs a tuma luga e apertura oficial di e Weganan Centro Americano y Del Caribe, na Barranquilla Colombia.

Mikel Schreuders ta e atleta cu a carga e bandera pa Aruba.

Cu un stadion completamente yen a yama e atletanan bon bini y na final e artista Shakira a duna un show pa asina cera e anochi grandi aki. Esaki ta segun e fuente 297 Sports.





Cuminsando cu 4 florin, bo por gana e suma grandi aki

Afl. 500.000,-

Obtenibel na cualkier rebendado di Lotto.

Sorteo ta awe nochi



Philipine van Aanholt na di 5 luga den e weganan Centro Americano

BARRANQUILLA – Actualmente e atleta di sailing Philipine van Aanholt ta ocupa un di 5 luga despues di e prome dia di competencia den e weganan Centro Americano y del Caribe na Barranquilla, Colombia.

E atleta Philipine cu ta competi den e sailing disciplina Laser Radial a competi den 3 heat un den dos di nan e la keda den e top 5. Diasabra Philipine lo competi atrobe y ta den bon posicion pa medaya. Na 2014, e atleta Philipine van Aanholt a logra medaya di Oro pa Aruba den e Weganan CAC teni na Veracruz. Esaki ta segun e fuente 297 Sports.



Alexson Hessels ta pasa pa kwart final



ORANJESTAD - Recientemente e atleta di tennis Alexson Hessels ta gana dos partido y lo hunga e kwart final contra di e number 1 clasifica.

E hoben tenista di Aruba ta den bon forma den e Copa Merengue na Republica Dominicana y a sa na gana Quinn Mcleod USA ranked 749 cu e scorenan 7-5/6-3 Hunto cu Frederick Sydow, Alexson ta gana e ruman nan Medina di Republica Dominicana cu e score di 6-2/6-3. Esaki ta segun e fuente 297 Sports.

E tenista femenino Kayla Solagnier no a logra pasa pa e di tres buelta.

Aruba Karate Bond na e '4th Caribbean Karate Championship Curaçao 2018'



ORANJESTAD - Diaranson ultimo e seleccion di Aruba Karate Bond a biaha pa Willemstad, Corsow pa asina participa na e '4th Caribbean Karate Championship Curaçao 2018'.

E seleccion ta consisti di 6 atleta en total, cual nan ta Maresha Tromp, Janilaine Bello, Silvana Agudelo, Kevan Prada, Alejandro Gonzalez Lujan y Kevin Lugo.

E seis prospectonan aki a wordo selecta for di tur e scolnan miembro di Aruba Karate Bond. Nan preparacion tabata den man di e

ekipo di coach di Aruba Karate Bond, kende tabata tin e tarea pa haci diferente test y monitoria nan preparacion. Segun 'Sensei' Alberto Gonzalez –assistant coach di Aruba Karate Bond- e ta convenci cu Aruba tin tur oportunidad pa trece medaya ya cu e karatekanan ta bon ekipa y prepara pa enfrenta cualkier oponente tanto fisicamente como mentalmente.

Hunto cu e team di seleccion a biaha tambe, algun boluntario (mayornan di e karatekanan) y Sensei Felix Tromp, presidente di Aruba Karate Bond. 'Sensei' Felix Tromp ta acompaña e team

pa percura pa tur logistica cana na ordo. Mas cu claro su persona lo percura tambe pa tur relacion cu Corsow keda intacto y asina sigui yuda otro como islanan ruman den karate. Aruba Karate Bond ta desea e karatekanan hopi exito. Esaki ta segun e comunicado cu nos a ricibi.

Un danki special ta bay pa Comité Olimpico Aruba (COA), Aruba Sport Unie (ASU), Stichting Sportsubsidie Aruba (SSA) y Lotto pa Deporte cu ta sostene karate di Aruba y a haci realidad e participacion na e '4th Caribbean Karate Championship Curaçao 2018'.

Pony Team Aruba 8U ta gana Wild Cats 20-8 y Tigers 16-3



ORANJESTAD – Recientemente e seleccion di Pony Team Aruba 8U a biaha pa Merca pa asina participa na e weganan di baseball.

Den nan prome wega nan a gana den gran forma cu score di 20-8 di Wild Cats di Salem Illinois hungando tremendo baseball. Den nan di dos wega team Aruba ta gana nan di dos wega contra Tigers di Herrin 16-3 na Mount Vernon, Illinois. Esaki ta segun e fuente 297 Sports.



Oportunidad pa Trabou Solicita na DPL

Departamento di Progreso Laboral ta anuncia e siguiente vacatura nan

Avedis: Graphic/Web Designer - Security Officers
Aruba Experience Publications, Trading & Hospitality Industry: Pastry Chef
Kibok's Barbershop: Kapper - Stylist
ITP Caribbean: Senior Software Developer
Total Services: Schoonmaakster
W & L Construction: Metselaar
Refresqueria Ramada Colombiana: Cook helper
Gemani Jewelers: Gemology
R.J.Q. Construction & Cleaning: Stukadoor
Cool Pro Entertainment Elite Productions: Technician Electrical/Engineering
Calidad Supermarket: Cleaner
Dream Bowl: Bowling Operation Manager
Right Track Car Solutions: Motor rewinder
Aruba Activity Management NV: Onderhoudsman
La Gran Parada Fruteria y Snack: Kitchen helper
Carel Elevators Aruba: Lift Installateur - Supervisor
Lift Installateur
Indulge Catering: Driver - Kitchen helper
Salt & Pepper: Waiter/ress - Bartender
Fermin's Bar BQ: Bartender (vrouwelijk)
Walaska Auto Air Solution: Mecanico de Aires
Acondicionado Automotriz
Arubaanse Wegenbouw Maatschappij NV: Project Manager

The Salon A Beauty Experience: Manicurista
Denplex Contractor: Night Cleaner
Trekker Construction, Excavations & More: Inspecteur
Super Rich Auto Service: Auto Detailer
Satex Agencies Aruba NV: Driver
Universal Seafood Restaurant: Cantonese Chef
Ceramica Style A1: Marmerbewerker
Panneflek Construction: Elektricien
KFC Santa Cruz: Assistant Operations Manager
Akkra Enterprises: Manager
Bright Bakery: Helper Bakkerij - Pastry Chef
Marvir Construction: Stukadoor
Italia Aruba Corporation NV: Onderhoudsman
Seasalt Grill: Kitchen Attendant
Bugaloe: Hulp Kok - Zingende Waitress - Kok
Urgent Care Aruba: Radioloog
Sylla Bar & Restaurant: Barbedienster
Stemma Trading: Sales Manager
Hokwa Constructiebedrijf: Timmerman - Metselaar
More 4 Less Body & Repair Shop: Diesel Motor - Spuiter
Joy's Bar Restaurant: Kok
Coburg Construction & Consulting: Metselaar
Oral-Plus Dental Clinic Aruba: Tandarts Assistant

Sweet Peppers Restaurant & Bar: Dishwasher - Barbedienster - Kok
Renaissance Aruba Resort & Casino: Casino Marketing & Promotions Manager
Eduna Cleaning & Construction: Landschapbeheer
Santa Cruz Bar & Restaurant: Kok
Art Fusion Productions: Docente di Instrumento di Biento
The Ritz-Carlton Aruba: Executive Pastry Chef - Executive Sous Chef - Cook I - Chef de Partie (pastry)
Brand Development Manager - Marketing Manager
Well Done Snack Truck: Cook helper
Friendly Green Bike Company Aruba: Electric Mechanic
Les Bons Vivants: Chef Cook
Vrolijk Contractor & Multi Services: Scaffold Builder - Metselaar - Algemene Helper - Timmerman - Painter - Metselaar
Kelky Geel Realty: Vanguard Specialist
Los Cafeteros Restaurant: Kitchen helper
Ronald Maduro's Maintenance: Onderhoudsman
I Love Hookah: Server
Cunucu Fresh: Landbouwer
Imperio Baron Beauty & Barber Shop: Kapster
Cafe Plaza: Waiter - Cook helper
Tango Restaurant: Dishwasher
Nos Club Huis: Kitchen helper
Price Smart: Sales person



Parlamentario Mervin Wyatt Ras (AVP):

‘Ainda ni o ni la di ehecucion di e plan social’

ORANJESTAD - Miembro di fraccion di AVP, Mervin Wyatt Ras a muestra riba e preocupacion cu tin den ultimo dianan, relaciona cu e impacto cu aumento di BBO y BAZV mas otro medidanan di gobierno, tin riba entrada di casnan di famia.

Un preocupacion cu ta sigui crece y cu a percura pa un incertidumbre grandi den comunidad, mirando con tras di otro gobierno ta tratando di saca mas placa for di cartera di pueblo pa financia su maneho.

“Na grandi gabinete Wever Croes a trata di manipula opinion publico cu problemanan social den nos comunidad, hasta a bay asina leu na bisa cu tin un crisis social. Parlamento a aproba 17 milyon di florin den presupuesto di aña 2018 pa minister di asuntonan social bay atende cu e crisis cu nan a anuncia.

Un suma cuantioso pero cu ni o ni la di ehecucion di e plan. No por ripara kico lo bay wordo haci. Eigenlijk lo mester aumenta e schoolkinderentoeslag y bijstand pa yuda esunnan vulnerabel pa sobrevivir. En bes di esaki e gobierno aki cu a bisa cu hende ta central pa nan lo hasta kier kita e pleeggezinnentoelage. Spera cu esaki no sosode paso esaki ta bay en contra di derechonan di mucha.

E situacion a bira ainda mas complica despues di prome di juli ultimo, ora cu gobierno a introduci e pakete di medida cu ta for di control, caminda tanto comerciantenan, ciudadanonan y hasta e propio gobernantenan, no tin control riba kico tin cu wordo cobra y kico tin cu wordo paga.

Tur e desaroyonan aki lo bay percura pa mas problema social den nos comunidad ya cu pueblo tin menos placa pa gasta, menos placa pa haci algo cu nan famia y esaki ta bay crea un situacion sumamente delicado pa hopi hende. E unico cos cu e minister a haci te awor ta reconoce personanan den e area, loke ta bon pero esey gobierno ta haci pa tapa e hecho cu a insulta tur den sector social ora gobierno a bisa cu nada no a ser haci riba tereno social den 8 aña. Un cos cu segun par-

lamentario sra. Wyatt-Ras ta sigur ta cu esunnan den sector social ta traha duro independiente. No manera cu e minister ta kere cu e mester ta henter ora den Sociale Zaken pa nan por traha.

E hecho cu lo bay nombra trahadonan social pa dos aña so tampoco no ta cuadra cu e realidad di guia di problemanan social cu ta di largo duracion. No ta manera un trahado di departamento di belasting cu por ser coloca pa 2 aña pa atende cu cierto achterstand y caba e trabou. Den sector social esaki ta un proceso cu por dura largo. E hecho cu e gobierno aki no ta serio pa loke ta e sector social ta sali na cla ora cu durante tratamiento di presupuesto 2018 sin bisa a core entrega un nota di cambio den cual a kita 6 milyon for di e plan social. Asina cu fraccion di AVP a reacciona riba esaki gobierno a core entrega un otro nota di cambio poniendo e suma di 6 milyon bek.

Fuera di e pakete di medida, gobierno a aumenta accijns riba gasolin y ta premira cu dentro di algun siman prijs di gasolin lo sigui subi mientras cu riba tereno laboral ya caba tin trahadonan cu ta wordo manda cas ya cu e situacion financiero di algun compania, ya no ta mesun cos cu algun luna atras.

Trahadonan cu ta depende di ‘uitzendbureau’ ta e promenan cu a wordo manda cas y aki nos a papia di un grupo di entre 40 pa 50 trahado mientras cu den otro sectornan ya caba tin trahadonan cu a wordo avisa cu nan contract lo no wordo prolonga mas, aumentando asina nivel di desempleo.

Den enseñansa tambe tin desaroyonan cu ta hinca pueblo den un situacion preta na momento cu den corto tempo a dicidi cu lo cobra schoolgeld pa aña escolar nobo den un lapso di menos cu un siman, poniendo hopi estudiante den problema serio pa cumpli cu esaki y perhudicando nan posibilidad pa atende e proximo aña escolar.

Gabinete Wever Croes a sigui tur hende cu nan tin solucion pa tur cos sin cu mester tuma medida pero e unico accion concreto cu e gobierno aki a tuma, ta di asota



pueblo cu diferente medida y persigui trahadonan pa pone nan hendenan.

Pueblo no tin perspectiva na e momentonan aki cu cos-

nan lo drecha, cu cosnan lo bay cambia y ainda gobierno tin decisionnan pa tuma cu lo sigui crea mas problema financiero pa comunidad cu na su turno lo sigui empeora

e situacion social y financiero di nos hendenan mas ainda”, parlamentario Mervin Wyatt Ras a declara.



CEDE Aruba is een fonds voor de cofinanciering van projecten van NGO's en opereert op de terreinen welzijn, publieke educatie en publieke recreatie. CEDE Aruba bestaat 38 jaar en ontvangt haar middelen van onder andere de Arubaanse overheid en internationale fondsen. CEDE Aruba is op zoek naar:

Non-profit consultants/coaches

CEDE Aruba wenst consultants en/of coaches in te zetten voor het ondersteunen van organisaties, trainen van professionals en het faciliteren van ontwikkelingstrajecten. De doelstelling is altijd het bevorderen van sociale ontwikkeling, het versterken van NGO's en/of het versterken van de samenwerking tussen organisaties. De Non-profit consultants/coaches werken zelfstandig binnen het kader van een heldere opdracht van CEDE Aruba.

Gewenste ervaringsgebieden van de Non-profit consultants/coaches:

- Strategische planning
- Bestuur & 'Governance'
- Beleidsontwikkeling
- Opstellen van projectdossiers en 'grant proposals'
- Vrijwilligersmanagement
- Fundraising strategieën
- HR Management
- Financieel management
- Social entrepreneurship

Profiel van de Non-profit consultants/coaches

- Ervaring met het coachen/colnsulteren/trainen van groepen en/of organisaties
- Kennis van minimaal één van bovengenoemde aandachtsgebieden
- Passie voor het leveren van een bijdrage aan de gemeenschap
- Kennis van veranderingsstrategieën
- Kennis over groepswerk, groepsprocessen en groepsdynamica
- Groot verantwoordelijkheidsgevoel en integriteit
- Sociaal vaardig, betrokken en enthousiast
- Zelfstandig, proactief en resultaatgericht
- HBO/Academisch werk- en denkniveau
- Uitstekende sociale en communicatieve vaardigheden (Papiamentu, Nederlands en Engels)

CEDE Aruba biedt:

- Flexibele freelance werkmogelijkheden
- Train the trainer mogelijkheden
- Een sociaal consult tarief

Indien u vragen heeft kunt u contact opnemen met Dhr. Daniel Tecklenborg, directeur van CEDE Aruba. Mocht u interesse hebben om als Non-profit consultant/coach aan de slag te gaan, dan ontvangen wij graag uw curriculum vitae met vermelding van referenties i.v.m. eerdere projecten. Stuur deze uiterlijk 15 augustus 2018 t.a.v. het bestuur van CEDE Aruba, Beatrixstraat 8, Oranjestad. De documenten kunnen digitaal ingediend worden via cedearuba@setarnet.aw.

Parlamentario Endy Croes (MEP):

‘Marlon Sneek y AVP a saca 201 miyon na dividendo di companianan estatal y awe e kier critica Coalicion’

DIVIDEND DI COMPANIANAN ESTATAL

	Setar	CBA	AAA	ATA	Utilities	RdA	Total
2010	8,625,027	10,000,000	3,000,000				21,625,027
2011	10,500,000	10,000,000	7,680,789				28,180,789
2012	9,700,000	4,462,234					14,162,234
2013	12,552,946	3,750,714	27,793,956				44,097,616
2014	12,500,000		3,571,428				16,071,428
2015	5,900,000	2,284,000	13,500,000	4,000,000	6,000,000		31,684,000
2016	3,500,000	3,000,000	2,500,000	10,000,000			19,000,000
2017	3,500,000	3,000,000	1,600,000	6,500,000		12,000,000	26,600,000
Total	66,777,973	36,496,948	59,646,173	20,500,000	6,000,000	12,000,000	201,421,094

ORANJESTAD - Parlamentario Endy Croes a tuma nota di e payaso di circo di AVP esta Marlon Sneek skirbiendo un articulo sin contenido. Manera semper e haragannan di AVP kendenan a laga un desaster financiero atras y por cierto awe sufriendo di nan derota y keintando banki kier aparenta don sabe lo todo.

Marlon Sneek a skirbi textualmente "Den 8 luna ainda no a duna pueblo algo, al contrario tur loke pueblo ta hayando ta un cuenta pa paga". Ta basta curashi bo mester tin. AVP a laga algo pa duna anto? AVP a plunder e pais aki. Mike Eman y AVP a redobla e debe di pais di 40% te rond 90% den 8 aña. Esakinan tabata palabranan recien di Staatssecretaris Raymond Knops. Cada baby

cu nace awe tin un debe riba su cabes di Afl. 40.000 florin. Palabranan di Raymond Gradus voorzitter di CAft juni 2018.

Presta placa sin piedad

Pues no ta MEP ni coalicion pero ta Hulanda mes ta splicando pueblo publicamente cada bes mas y mas di e desaster cu nan tambe a encontra. AVP a presta placa sin piedad y a causa cu den 2018 Aruba mester paga 216 miyon florin solamente na interes riba placanan cu AVP a presta. Esaki ta mescos cu 600 mil florin cada dia, pues 365 dia pa aña. AVP a hipoteca Aruba di tal manera cu e proyectonan PPP cu den 2018 mester cuminsa paga pa 20 aña largo 80.7 miyon pa aña. AVP a bisa pueblo cu awor bo ta wak unda bo placa ta bay pero Mike y AVP no a splica pueblo cu awor bo mes mester bay cuminsa paga pe.



Pues dicen Marlon Sneek no ta splica pueblo kico si e cu AVP lo brinda pueblo den e situacion horibel cu nan mes a crea? Mike Eman a grita cu e ta orguyoso di e debe y cu e debe t'ey pa nos tur bay paga pa futuro.

201 miyon na dividend

Sneek ta bisa tambe den su articulo: "Gobierno actual ta ranca placa di dividendo for di tur compania estatal". E gobierno actual mester a haci uzo di placa di dividendo pa mitiga e dolor pa pueblo pa asina evita mas dolor y ta uza e placa cu gobierno tin derecho riba dje pa haci

esaki. Unda Marlon Sneek tabata ta na momento cu AVP y su ministernan a strica 201 miyon florin for di e companianan estatal? (mira e documento oficial). Pues 201 miyon florin a wordo ranca y asina mes prijs di awa y prijs di coriente a subi. A caso Marlon Sneek y AVP ta kere cu pueblo a lubida 1 di october 2014? Tempo cu pa motibo di hedging na un forma cruel cual a costa pais Aruba 300 miyon florin unda AVP a subi prijs di awa y coriente. Pueblo a sali bay manifesta dilanti parlamento y Mike Eman y Mike De Meza a duna ordo pa Riot

Comando bati un pueblo indefenso lastrando sernan femenino riba asfalt na un manera bruto y criminal. Prohibi pa lubida. Pues Marlon Sneek promer bo papia wak poco den bo cura. Wak bo pasado y wak cuanto daño bo partido a causa na e pueblo aki. No ple santo awe pasobra e fli ey no lo subi. Ki ora bo papia disparate nos lo sa di atende cu bo riba bo propio nivel. Parlamentario Croes ta enfatisa cu tin hopi cos cu ta prohibi pa lubida y ki ora cu Marlon Sneek, papia e por conta cu reaccionnan fuerte basa riba e berdad.



Parlamentario Robert Candelaria (AVP):

‘No por permiti Hulanda kita autoridad di poder hudicial di Aruba den ningun circunstancia’

ORANJESTAD - Minister di Husticia a reuni cu e comision di asuntonan di husticia parlamento a presenta un rapport riba e reunion cu a tuma luga recientemente na Bonaire cu a laga preocupacion grandi di kico ta pasando, mirando intencion di gobierno Hulandes, pa practicamente tuma over maneho di husticia na Aruba y otro islanan.

Miembro di fraccion di AVP, Robert Candelaria, a muestra cu tin hopi preocupacion

pa un documento cu e delegacion Hulandes a presenta durante di e reunion aki, caminda decisionnan importante cu ta regarda top di polis di Aruba, lo perde nan poder y caminda Hulanda lo bay ta esun cu ta dicidi.

Ya caba tin un protocol existente cu a bin ta funciona den bon forma pero awor diripiente gobierno Hulandes kier trece cambio den esaki loke sigur no ta na favor di Aruba. Candelaria a sigui muestra cu desde 2001 tin un protocol vigente cu a bin ta funciona

ndo den tremendo forma y caminda en berdad ta rekeri cierto adaptacion na mirando cierto desaroyonan cu tin tanto na Venezuela pa loke ta criminalidad internacional.

“ Loke ta preocupa mi persona mas tanto ta hecho cu semper e cooperacion entre paisnan di Reino, a bay bon ya cu tur pais a duna su aporte a base di su profesionalnan y kendenan a bin ta haci un bon trabou sin cu tabatin diferencia grandi den

continua na pagina 23

‘No por permiti Hulanda...

continuacion di pagina 22

e forma con ta atende cu asuntunan hudicial.

E documento cu e Hulandesnan presenta a lanta hopi preocupacion cerca nos tur cu a forma parti di e comision di husticia di parlamento y nos tur ta di acuerdo cu e documento presenta pa delegacion Hulandes, ta inaceptabel.

Mi a keda hopi preocupa cu desaroyonan ta bayendo den direccion caminda si plan Hulandes wordo aproba, esaki lo nifica cu nos Korpchef ta perde autoridad, e lo nifica cu nos Ministerio Publico, procurador general ta perde autoridad, y lo ta mesun caso pa minister di Husticia.

Loke ta straña mi ta cu despues di a check cu coleganan di cuerpo di polis si den pasado tabatin un documento oficial riba mesa den cual Hulanda ta bisa puntanan cu e lo kier bay checuta, kier tuma over, un tipo di cooperacion den un forma asina, ta nunca bisto.

Semper tabatin desaroyonan caminda si no yega na un bon palabracion cosnan por a bay den un direccion robes y cosnan lo schuif mas den direccion di Hulanda, pero semper nos por a muestra Hulanda cu nos ta profesionalnan, cu nos ta ‘on top of it’ cu locual nos ta bezig cu ne.

Gobierno tambe ultimo aña na sr. Dowers(AVP) a haci un bon trabou, mantene tur cos den un relacion asina stabiel, cu modelo Aruba di RST, ta esun di mas miho.

El a funciona, el a duna fruta y semper a busca si un forma con por drecha e relacion un tiki mas y pa aworaki diripiente cu nos tin un gobierno nobo, cu nos a haya un documento di e forma aki riba mesa, cu ta bisando pa laga Hulanda tuma cosnan aki

over, e a preocupa mi, mas ainda pasobra si tene cuenta cu loke ta pasando cu Venezuela, cu dia pa dia ta birando mas y mas cayente, nos por tin aworaki den Reino, un midimento di forsa di ken ta bay ranca y pusha mas duro.

Net awor nos mester ta schouder cu schouder y laga nos actua como un frontera y nos deal cu e situacion aki como partnernan den Reino y no como competidonan den Reino, parlamentario Robert Candelaria a muestra.



ENSENANSA PA EMPLEO

GOBIERNO DI ARUBA

ta participa cu e siguiente cursonan lo bai cuminsa. Hasi uso di e oportunidad aki.....INSCRIBI!!!!

Oportunidad pa inscripcion: *E lista aki bao ta duna e dianan riba cual tin cu inscribi pa cada curso:*

Inscripcion ta tuma lugar na Ensenansa pa Empleo, Engelandstraat 33.

orario ta di 7.30'or p.m. pa 9.00'or p.m. Entrada ta via e parkinglot di EpE.

Tur curso lo cuminsa na final di august 2018. Pa cualkier informacion por jama telefon: 5825662.

DURANTE ANOCHINAN DI INSCRIPCIO NO TA PERMITI PA BINI CU MUCHA.

Dialuna 23 juli, 7.30'or anochi

Waiter/Waitress

Lo bai tin un curso anochi, dos dia pa siman y e otro lo ta den dia. E curso ta dura 15 siman.

Food & Beverage Cost Control/Storeroom Keeper

E curso aki ta duna mas informashon tocante tur e calculation den F&B y stock supervision. Bo por tin un miho maneho den empresa y mas specialisa den e area di F&B na hotel/restaurant.

Basiskennis Boekhouden

E curso aki ta pa sinja traha den boekhouding di un empresa. Si tin interes lo por duna un curso den dia

Event Planning

E curso aki ta duna bo guia con por planea un evento, casamento o fiesta. Con pa papia cu cliente y vendors y regla tur cos cu lo wordo preminti.

Sales & Marketing

E curso ta dura 13 siman y tin les un bes pa siman. E curso lo trata e topico di Mercadeo. Con pa mercadeo productonan y bo negoshi.

Digital Marketing

Den e curso lo ta sinja con por hasi propaganda via entre otro internet. Sinja usa social media, email, search engines pa mercadeo productonan y bo negoshi.

Office Skills

E curso aki ta ensera: teamwork, comunicacion, organisa, resolve conflicto y problemanan na trabao, time y stress management. Pa sigi e curso mester por a caba por lo menos Mayo-3 of e cursonan di Receptionista, Time Management y Customer Focus of e curso Basic Office Skills

Bodyman/Spuiten

E curso aki ta e di dos parti di e curso Bodyman. Den e curso aki lo bai sinja con ta spuit un auto etc. despues cu caba di saca sla y prime.

Diamars 24 di juli, 7.30'or anochi

Inleiding Arbeidsrecht 1

E curso aki ta bai trata leyman laboral di Aruba, pa asina por tin miho comprendemento entre donjo di trabao y e trahado.

Inleiding Arbeidsrecht 2

Mester tin diploma di e prome parti pa por sigi cu esaki.

Sportmassage 1

E curso ta sinja over di masashi, pa juda deportista, pero por usa tambe si kier traha den un Spa of lanta bo mesun negoshi pa massage hende.

Sportmassage 3

Vervolg Sportmassage 2

Bartender

E curso ta anochi. E curso ta dos dia pa siman y lo dura 15 siman. Tin posibilidad pa un curso den dia tambe.

Security Agent: Beveiliging

E curso basico ta destina pa esnan cu caba ta trahando den circulo di seguridad riba Aruba of esnan cu awor a scohe e area aki pa nan ofishi den futuro.

Customer Service/ Sales Agent

Kiko ta ensera tur den customer service, kit area y responsabilidanan tin den servicio. Tambe lo pasa riba e topico di sales, con por logra mas benta.

Good Employeeship

Kiko ta un bon empleado, con esaki lo yuda pa yega un promocion, desaroya bo mes, excite y felicidad. Un curso nobo y unico cur por yuda tur hende.

Supervisory Management

Un curso pa sinja con por traha den middle management, con por stuur aan otro hende y rapporteer na uppermanagement.

Gezonde Voeding & Lifestyle

Sinja kiko ta cuminda saludabel. Ki productonan pa usa, na unda por cumpre y con pa trata nan. Mihora bo salud dor di un lifestyle mas saludabel.

Agricultura/Horticultura

E curso aki ta pa sinja e personanan cu ta interesa den plantamento, con pa cultiva matanan.

Diaranson 25 di juli, 7.30'or anochi

Basic Cooking

Sinja e basico di cushina. Ki techniek tin, con pa traha diferente cuminda.

Bread Baking

Sinja pa traha, pan, rolls den forma calcula.

Pastry Baking

Sinja pa traha diferente mansa y cookies.

Computer Technician Level 1 (Basic)

E curso aki ta pa sinja con ta drecha computer, troubleshoot e hardware etc. Mester sa Ingles, pasobra e terminonan di computer ta na ingles

Basic Computer: Word, Excel, mouse, e-mail, Google, & usb

Sinja e basico di bo computer, internet y 2 programa essential Word & Excel

Computer: Word advanced

Den e curso bo ta sinja mas over di e programa aki. Mester a pasa basic computer skills promer cu por participa.

Computer: Microsoft Excel advanced

Den e curso bo ta sinja mas over di e programa aki. Mester a pasa basic computer skills promer cu por participa.

Computer: Quickbooks advanced

Den e curso bo ta sinja mas over di e programa aki. Mester tin conocemento (bcs&bkb) promer cu por participa.

Computer: Powerpoint advanced

Den e curso bo ta sinja mas over di e programa aki. Mester a pasa basic computer skills promer cu por participa.

Computer: Acces(database) advanced

Den e curso bo ta sinja mas over di kiko ta database, con pa use, con pa traha cune.

Computer: Publisher advanced

Den e curso bo ta sinja mas over di e programa aki. Mester a pasa basic computer skills promer cu por participa.

Computer: Website Building

Con por traha bo mesun website, con por traha cambianan den un website. Mester a pasa basic computer skills promer cu por participa.

Computer: Photoshop advanced

Den e curso bo ta sinja mas over di e programa aki. Mester a pasa basic computer skills promer cu por participa.

Computer Coding: html/css/apps

Sinja mas tocante e programming riba computer pa traha software y apps.

Klein Vaarbewijs (Licencia pa embarcacion chikito)

E licencia aki ta valido pa: Embarcacionnan di largura di 12 te 20 Meter.

Manicure/Pedicure 2

E curso aki ta un vervolg di e curso Mani/Pedi 1, Bo lo sinja mas over di e tratamento di man y pia y con pa drecha hunja.

Diahuebs 26 di juli, 7.30'or anochi

Comb. Spaño pa Principiante

E curso aki ta pa sinja e idioma spaño pa asina por comunica cu esnan cu ta papia esaki, e.o. turistanan

Comb. Portugues

E curso aki ta pa sinja e idioma Portugues pa asina por comunica cu esnan cu ta papia esaki.

Comb. Hulandes pa Principiante 1

E cursonan aki di hulandes lo wordo reparti den dos curso, uno pa e personanan naci na Aruba of a sigi scol na Aruba y un curso pa esnan di habla spaño, si tin bastante interes.

Comb. Hulandes pa Principiante 2

Pa sigi e curso aki, mester a caba e curso di Hulandes principiante 1.

E cursonan pa siña papiamento ta wordo parti den grupo di hendenan di habla spaño, habla ingles y hulandes.

Comb. Papiamento pa Principiante 1

Comb. Papiamento pa Principiante 2

Diabierna 27 di juli, 7.30'or anochi

Comb. Ingles pa Principiante 1

E curso aki ta pa esnan di habla spaño. Si tin bastante interes lo por duna un curso den dia tambe,

Comb. Ingles Pa Principiante 2

Mester a caba Ingles principiante 1. E curso aki ta wordo parti den e curso pa esnan di habla spaño y esnan cu a nace na Aruba of a atende scol na Aruba.

Casino: Dealer Level 1

E curso ta sinja bo loke mester sa over di Blackjack, Roulette

Casino: Dealer Level 2

E curso ta sinja bo over di Carnival Games, Poker

Casino: Dealer Level 3

E curso ta sinja bo loke mester sa over di Baccarat

Casino: Slot Mechanic Programmer

E curso ta sinja bo con por programa un slot machine.



Fraccion POR:

‘Desacuerdo cu declaracionnan di minister di Relacionnan Exterior di Reino’



ORANJESTAD - Fraccion di POR a expresa cu nan ta totalmente den desacuerdo cu e declaracionnan di minister di Relacionnan Exterior di Reino, Stef Blok pa loke ta trata e sociedadnan multicultural, cual minister Blok a bisa cu no por biba den harmonia y hasta a tribi di bisa cu Surinam ta un estado fracasa pa e motibo ey.

Fraccion di POR ta bisa explicitamente cu e declaracionnan di minister di Relacionnan Exterior ta contra Statuut y contra principionan di Reino Hulandes, manera ta e cooperacion entre otro y pa promove pa e paisnan den Reino biba den harmonia y paz.

Durante decananan e forsa di Reino Hulandes a keda demostra di ta su tolerancia, su aceptacion y e forma cu diferente cultura y nacionalidad a sa di biba den harmonia cu otro.

Aruba, nos pida baranca ta un ehempel bibo di dje, unda casi 100 diferente tipo di nacionalidad ta biba den harmonia cu otro y ta traha conhuntamente pa hiba nos isla padilanti. E multiculturalidad di nos isla ta un di nos puntonan fuerte cu ta resalta tur rond mundo y ta un principio cu como parti di Reino Hulandes nos ta para fuertemente pe.

Pa tal motibo, fraccion di POR ta expresa su disgusto

pa cu e declaracionnan di minister Blok, kende den su posicion di minister di Relacionnan Exterior di Reino Hulandes ta representa nos isla y e otro partinan di Reino Hulandes den Caribe tambe y nos ta un muestra bibo cu su declaracionnan no ta cuadra cu realidad, nos ta biba den harmonia cu otro y esaki ta parti esencial di e logronan cu nos islanan a conoce.

E fraccion ta laga e pregunta aki atras: “Con un persona, cu ta expresa su mes di tal forma contra loke nos como parti di Reino Hulandes ta para pe, por representa nos como minister di Relacionnan Exterior?”

Parlamentario Sue-Ann Ras (MEP):

‘TeleAruba lo conoce restructuracion di programacion pronto’



ORANJESTAD – TeleAruba ta sigui cu un debemiyonario, managementteam actual ta keda y programacion di e canal lo cambia. Esaki ta algun di e contestanan cu minister di Telecomunicacion, Chris Romero, a manda pa parlamentario Sue-Ann Ras e siman aki.

E parlamentario a haci un se-

rie di pregunta na e mandatario riba TeleAruba recientemente, basa riba inquietud cu e tabatin. Segun sra. Ras, e lo sigui cu e proceso aki di haci pregunta por escrito como un di e instrumentonan cu e tin pa por haya claridad riba varios tema.

Un di e preocupacionnan cu e parlamentario tabatin ta, e debe cu tin na e canal. E man-

datario aki a confirma den su contestanan, cu e canal tin un debe miyonario di 1.3 miyon florin, cu ta gran parti di debe habri y tambe pa falta di competencia di social media. Esaki ta haci e canal menos atractivo p’e comerciantenan y como cu no a haci hopi pa keda ‘up to date’, esaki aparentemente ta afectando e entrada.

Sr. Romero a contesta sra. Ras cu ta bay restructura e programacion y separa e programacion di canal 13 y 23. Segun e mandatario a bisa sra. Ras, cu e intencion tabata pa comberti canal 23 den uno turistico y separ’e completo di 13. Pero no sa exactamente con esaki lo funciona y con exactamente esaki lo ta hinca den otro, sra. Ras a sigui bisa, basa riba e contestanan cu el

a haya.

Pa haya clarificacion riba ken exactamente ta maneha TeleAruba awor, basa riba e hecho cu a anuncia cu lo pone un team nobo, a resulta cu esaki no ta bay cambia toch. Gobierno a opta pa no cambia e managementteam na TeleAruba y a laga esaki ‘intacto’, tabata e contesta cu sr. Romero a manda pa e parlamentario. “Esey kiermen cu Giovanni Kock y Rona Emerencia-Tromp ta keda por lo pronto na timon di e canal”, sra. Ras a compronde. E informacion aki ta un di e contestanan riba e preguntanan di e parlamentario.

Parlamentario Ras a muestra cu su deseo ta, pa TeleAruba recobra su bida y produccion di antes, unda cu nos propio hendenan tabata produci y checuta hopi programa informativo, educativo y entretenido pa tur edad. “Television a cambia radicalmente e manera con nos ta entrene otro, tanto paden como pafó di un hogar y e mester keda algo placentero pa disfruta di su contenido. Television a comberti gradualmente den e medio di comunicacion mas influyente den e desaroyo di diferente patronchi di comportamiento di e audiencianan: mucha y adolescente di mundo completo a crece conhuntamente cu e evolucion di mercado televisivo y Aruba a mane keda hopi leu di e evolucion aki”, Ras a finalisa bisando.

Parlamentario Michael Lampe (AVP):

‘Solucion sin medida a bira pa pueblo medida yena cu decepcion’

ORANJESTAD - No tin claridad, no tin splicacion, solamente incomodidad, desilusion y hopi decepcion den comunidad cu ta sinti pa 20 dia caba, e dolor di aumento di costo di bida, creando cantidad di problema financiero den hopi cas di famia rond Aruba.

Fuera di e problemanan financiero cu pueblo ta pasando aden, por scucha y sinti e decepcion grandi cu pueblo tin pa un gobierno cu a priminti solucion financiero di e pais sin medida, pero a bira duna pueblo un decepcion grandi cu su paquete di medida, parlamentario Lampe di fraccion di AVP ta trece dilanti.

Totalmente normal cu den pueblo ta biba un ambiente di frustracion, di disgusto y decepcion, ya cu Aruba tin un gobierno cu a priminti tur hende pa trece solucionnan concreto sin cu mester tuma medida.

Sinembargo tur loke pue-

lo a ricibi te cu awor for di gabinete Wever-Croes, ta un stapel di medida cu segun dianan ta pasa, lo bira mas serio ainda mirando cuanto cos mas tin na caminda cu lo afecta nan entrada di tur luna. Gobierno MEP-POR-RED a bandona su promesanan haci na pueblo di trece solucion pa tur cos, percura pa un miho futuro pa nos pueblo pero tur promesa a wordo lubida y gobierno a percura unicamente pa privilegia famia y amigonan, campaña-do- y sponsornan, mientras cu pueblo ta wordo pusha rumbo un abismo financiero sumamente dificil.

Loke ta mas alarmante di tur esaki ta cu ainda no tin un luz na final di e tunnel scur aki pa pueblo, ya cu ainda gabinete Wever-Croes tin 12 milyon pa reduci riba gasto di personal pero ainda no gobierno no a duna claridad con e ta haci esaki y kendenan tin cu bay cas.

Despues di ocho aña di gobernacion di AVP, ta reina incertidumbre den hopi cas

di famia, mientras cu tabata percura pa duna un aporte financiero na famianan di entrada abou pa cubri gastonan di yiunan cu mester inicia un aña escolar nobo, e actual gobierno no a duna indicacion ainda con e lo bay yuda y si e lo yuda e grupo aki pa cubri gastonan di scol.

Pa completa e desaster cu gobierno a ocasiona tin cu muestra cu e ciudadano a wordo converti den e victima di un paquete di medida cu gobierno mes ta muestra di no tin nocion di kico el a haci y con e ley aki realmente ta hinca den otro.

Sinembargo aki mi tin cu menciona cu esaki ta mas cu claro cu e lo a bira un bululu forma despues cu den un lapso di tres dia a dicidi di atende e ley aki den parlamento y aproba esaki tambe sin sinta den dialogo cu gremio- y sector comercial pa analisa y studia e ley aki den e miho forma posibel.

Comerciantenan despues di a wordo confronta cu e cambio di ley pa aumento di BBO y

BAZV, ta hayando splicacion na caminda con esaki tin cu wordo ahusta y cobra, demostrando e falta di seriedad y responsabilidad di gabinete Wever-Croes den su ansha pa haya placa pa goberna.

Ya caba tin anuncia e medida caminda lo cobra pa recogemento di sushi dia prome di januari di 2019 mientras cu tin otro medidanan na caminda ya cu gobierno kier ranca mas placa for di cartera di nos pueblo.

Ta premira caba mas aumento di prijs di combustibel cu lo bay percura pa aumento

di prijs di awa y coriente, aumento di prijs di gasolin y pa no lubida cu entrante dia 1 di januari 2019, miles di pensionado lo bay perde nan ‘reparatietoeslag’ manera minister di financia a confirma.

Un situacion cu pueblo no a pidi pe, ya cu gobierno di coalicion a priminti henter un otro escenario cu loke el a bin ta haciendo den su prome 9 luna na poder y esaki sin duda ta percura pa un decepcion grandi den comunidad.



Parlamentario Endy Croes (MEP):

‘Benny, bo no tabata ni sa cuanto tabata e gastonan di bo propio ministerio?’

ORANJESTAD - Parlamentario Endy Croes ta splica cu e ta haya duele ora e scucha Benny Sevinger sinta papia manera un charlatan durante conferencia di prensa di AVP purbando di continua cu nan manipulacion, tratando na keda engaña un pueblo pa purba bin bek na poder.

Kico ta mas tristo ta lo siguiente: Awe como Arubiano bo mester tin berguensa di tabata tin ministernan manera Benny Sevinger cu sea no tabata prepara of sea ta olie dom pa no papia di ex-parlamentarionan manera sr. Tromp como representante di bo pais.

Benny, durante conferencia di prensa di AVP a duna un splicacion al respecto gastonan di ministernan. Textualmente Benny a bisa: “Nos (pues AVP) tabata tin un presupuesto di 9 minister cu tabata cobra 20 milyon y awe nos tin 8 minister cu ta cobra 25 milyon. Pues bo no a baha e gastonan di e ministernan.”

Aki Benny ta muestra su deficiencia den capacidad y awor pueblo ta compronde ki tipo di hende a mancha e pais aki y awor por cuminsa compronde e rason pa e Mega Debe y e ‘desaster financiero’ cu AVP a laga atras. Benny nunca tabata sa cu e gastonan di tur e ministernan di Mike Eman y AVP incluyendo su persona tabata costa e pais aki 50 milyon florin pa aña? Con Benny por expresa un bobedad cu esaki tabata costa 20 milyon florin? Benny no ta na altura cu e gastonan di ministernan den e presupuesto 2018 a wordo reduci di 50 milyon florin (AVP) pa 30 milyon florin (Coalicion)? Un reduccion di 20 milyon den comparacion cu gastonan di ministernan di AVP? Kico Benny a haci durante oranan largo cu a trata presupuesto 2018?

Mas tristo ta cu fraccion di AVP a haci e pregunta aki por escrito y a ricibi e contesta aki amplio cu splicacion detaya. Den parlamento tur fraccion ta ricibi tur contesta cu tur fraccion a haci por escrito y p’esey mi a tuma mi tempo

pa lesa tur contestanan riba preguntanan haci pa fraccion di MEP, POR, RED y AVP.

Parlamentario Endy Croes ta splica cu ta duna bo como persona hopi berguensa ora bo tende un hende cu a mancha e pais aki pa 8 aña largo expresa disparatenan asina den prensa. Pues e poder no ta ni na altura cu su fraccion a haci e pregunta aki y a haya e debido contesta.

Di su propio carteranan cu e mes a mancha tambe a wordo contesta. Minister di Infraestructura y Ruimtelijke Ordening, Benny Sevinger su kantoor a costa pueblo na 2016 Afl. 9.585.114 milyon y na 2017 Afl. 10.743.300 milyon florin. Den e coalicion aki e gastonan pa e mesun cartera aki ta Afl. 5.207.000 milyon florin. Pues un reduccion den gasto di solamente Benny su cartera di 52%.

Algun ehempel riba coordinador. Mike Eman a kibra tur record y tabata tin 147 coordinador riba su payroll, mientras Evelyn Wever-Croes tin 14. Pues 132 coordinador

menos cu a scapa pueblo millones. Benny tabata tin 58 coordinador ta cana boks den otro den su kantoor, mientras Otmar Oduber manehando e mesun cartera tin 20. Pues e manipulacion cu AVP semper a hiba a continua, pero berguensa grandi ta un ex-mandatario cu no tabata sa ni cuanto e gastonan di cada minister di su propio kantoor y di su propio gobierno tabata costa.

Pa kita tur duda mi lo inclui un tabel cu cifranan real di Departamento di Financia pa cu gastonan di ministerionan desde 2016 pa 2018. Mi lo percura pa schuif un copia bou di e porta di kantoor di Benny (aunke e no t’ey nunca) y lo pone un pen den su postbus pa e por pone su mes na altura di e realidad. Manera e hobennan ta bisa: Benny bin bij!

Indien een vergelijking wordt gemaakt naar de kosten van het bureau van de ministers, dan blijkt dat de kosten met Afl. 20,1 miljoen zijn verlaagd.

Kosten bureau ministers	2016	2017	2018	verschil	
MinAZ	12,197,203	13,504,100	4,441,700	-9,062,400	-67%
MinROI	9,585,114	10,743,300	5,207,000	-5,536,300	-52%
MinTCPS	3,856,508	3,400,600	3,831,400	430,800	13%
MinEZ Energie verv	6,132,610	6,606,500	0	-6,606,500	-100%
MinTVS	2,346,637	3,046,300	3,356,500	310,200	10%
MinSozar	2,013,028	2,364,400	3,877,600	1,513,200	64%
MinOnd	3,422,175	3,764,500	2,481,300	-1,283,200	-34%
MinJus	3,986,926	4,131,700	3,273,000	-858,700	-21%
MinFec	3,429,114	3,227,200	4,212,900	985,700	31%
Total	46,969,315	50,788,600	30,681,400	-20,107,200	-40%



Juan 3-16
Pasobra Dios a stima
mundo asina tanto cu
ela duna su yui,
Unigenito, pa ken cu
kere den dje no bai
perdi, ma tin bida
eterno.

Cu inmenso tristesa pero conforme cu boluntad di Dios,
nos ta participa fayecimento di mi yui, esposo, tata y
ruman.

**Sr. Reinaldo Rigoberto M.
Donata**

Mihor conoci como 'Lino'

Naci: 15 Aug 1970
Muri: 14 Juli 2018

Su mama: Sra. Vuida Grace Donata-Werleman
Su tata: +Jose Olindo Donata
Su Esposa: Andrea Donata-Arends
Su Yuinan: Naomi Donata
Jerainne y Elton Tromp
Nurainne
Lyonne
Abigail
Su Ruman: Lito Donata y famia
Su Subrina: Kiandra Donata
Su Iha: Dwayne Kirchner
Suegronan: Alfonso y Amancia Arends

Tanta y Omonan:
Sra. Viuda Aurita Petrocchi-Donata y Famia
Ovito y esposa Nina Donata-Chung y Famia
Lena y esposo Rafael Boekhoudt-Donata
Julio Croeze y Famia
Eddy y Diana Werleman y Famia
Filomena Werleman –Van Dinter y Famia
Taly Werleman y Famia
Frido Werleman y Famia
Suzy y Angelo Kirchner y Famia
Madrina: Belinda Maxwell-Daïe
Padrino: Ovito Donata
Amigonan di Cas: Lucia Kock
Rudy Carti

**Primo y Primanan
Swa y Cuñanan**

Famia:
Donata, Werleman, Arends, Tromp, Flanegin, Petrocchi,
Hermans, Chung, Boekhoudt, Croeze, Van Dinter,
Kirchner, Robert, Brete, Arendsz, Filiciana, Lampe,
Regazonni, Burleson, Scheper.

Oportunidad pa condolencia:
diabierna, 20 di juli 2018,
di 7 pm pa 9 pm na
Aurora Funeral Home.

Ta invita pa acto di despedida cu lo tuma lugar
Diasabra, 21 di juli 2018 di 9 am pa 11 am na
Aurora Funeral Home y despues saliendo
pa Santana Catolico na Santa Cruz



**Mi Dios, Mi Señor, Mi
Salbador
Cu Bo amor infinito
tenemi den Bo braza
Ya no tin scuridad
Unicamente Bo Luz
briyando**

**Cu inmenso tristesa na nos curason, nos ta
participa fayecimento di:**

Adela Maduro

***14-07-1944 - †18-07-2018**

Na number di su:
Yiunan: Gerald Perez
Mark y Valerie Perez-Simon
Nietanan y nieto : Jaydee, Stephanie,
Kylee, Markita, Myhaily, Dyvienne, Zyziennne y
Johnnick
Bisanietonan: Ashton, Rylen
Rumannan: †Laureto y yiunan
Emiterio y yiunan
Maria, Israel (Rod) y yiunan
Rufino, Sheila y yiunan
Jacobo, Luisa y yiunan
Crispo, Gloria y yiunan
Filomena, Edgard y yiunan
Lucia y yiunan
Raymond, Camilia y yiunan
Alberto, Jovita y yiunan
Guadalupe, Mary y yiunan

Tata di su yiunan: Urbano Perez
Nuera: Nancy Tromp
Amiganan di cas: Rosella, Esther,
Elisabeth, Monica, Chita y Eda, Betty, tanta
Meme y Pastor Coby, Miriam y Abraham,
Carmen, Mayra, Miriam, Marucha, Victor, Ina,
Wilfred y Belona
**Swa y cuñanan, primo y primanan, sobrino
y sobrinanan, ihanan, bon bisiñanan**
Grupo di Orashon: Strea Iluminoso, The
Voice of Jesus
Na St Maarten y Saba : Mely, Ferdinand,
yiunan di Bill Riley, Lucy
Na Hulanda: Andrea y Sony
Na Bonaire: Mientje, Maria, Diana
Demas famia: Maduro, Perez, Simon, Statius,
Rodriguez, Franken, Tromp, Matos, Faro,
Ruiz, Henriquez, Donata, van der Biezen,
Angela, Riley, Croes

**Lo tin un box disponibel pa donshon pa
Koningin Wilhelmina Kankerfonds**

**Ta invita pa acto di entierro cual lo tuma
lugar na Aurora Funeral Home dialuna 23
di juli 2018 for di 2or pa 4or di atardi.
Despues lo sali pa Santana na St. Cruz.**

**Condolencia lo tuma lugar na Aurora
Funeral Home diasabra 21 di juli 2018 di
7or pa 9or di anochi.**

**Nos ta pidi disculpa pero despues di entierro
nos no ta ricibi bishita di condolencia na
cas.**

**Disculpa nos si den nos tristesa nos por a
lubida algun famia of conocir**



Laga tur locual cu ta spera mi ta
bunita
Laga tur locual cu mi encontra
na caminda ta bunita
Laga tur locual cu ta rondonami
ta bunita
Y laga esakinan termina den tur
bunitesa

Cu inmenso tristesa na nos
curason, pero agradecido pa tur locual ela nifica pa
nos y conforme cu boluntad di Dios, nos ta participa
fayecimento di:

Juan Nicolaas Hoek

Mihor conoci como: 'Nikki'

***18-12-1933 - †16-07-2018**

**Exempleado di Aruba Trading Co. y R.M.H.
Special Security Team N.V.**

Na number di su:
Mayoran: †sr. Nicolas Hoek y †sra. Maria Elizabeth
Hoek-Loopstok
Yiunan:
Roland Richineld Hoek y Rudolf Joannes v. Tol
Patrick Learoy Hoek y sra. Mylene Hoek-Richardson
na Hulanda
David Louis Hoek y sra. Veraida "Vicky" Hoek-
Rosalina
Michael John Hoek y Jenny Werner na Hulanda
Mama di su yiunan: Beata Mildred Burne
Nietonan: Jeffrey Hoek y famia na Hulanda,
Jennifer Hoek y famia na Hulanda, Phylisia
Hoek y famia na Hulanda, Minerva Hoek y
famia na Hulanda, Däyna Hoek na Hulanda,
Shauna Hoek na Hulanda, Michiëna Hoek na
Hulanda, Myron Hoek y famia na Hulanda
Bisanietonan, sobrino y sobrinanan na Aruba y den
exterior, primo y primanan na Aruba y den exterior
Rumannan:
†Alicia "Chichi" Dania-Loopstok y famia
†Pablo Hoek
Josefa Bakmeyer-Hoek y famia
†Mario Hoek
†José "Jossy" Hoek y famia
Swa y cuñanan na Aruba y den exterior, comer y
compengan, ihanan
Demas famia: Hoek, Van Tol, Richardson, Rosalina,
Werner, Burne, Dania, Wout, Alberts, Roberts, Ruiz,
Barkmeyer, Bakmeyer, Villacis, Loopstok, Loefstok,
Williams, Vrolijk, Silberie, Ras, Suarez, Gomez, de
Lange, Leest, Orman, Ridderstaat, Winterdaal, Picus,
Maduro, Kelly, Helder, Tromp, Perez, Jacobo, Lacle,
Tije-A-Loi, Lopez, Penha, Danje, Holsman, Albertus,
Calmes, Pertuz, Bernabela, Silvestre, Willems, Arias,
Henricus, Desbarida, Franken, Robert, Werleman,
Paesch, Irausquin, Figaroa, Kock, Arnold, Van Thol,
Posthuma, Wilson, Jacobs, Nierop, Visser, Werleman,
y demás famia na Aruba, Curaçao, Hulanda, U.S.A.,
y Suriname

Oportunidad pa condolencia: Royal Funeral Home,
diamars 24 di juli 2018 di 7or pa 9or di anochi.
**Ta invita tur amigo y amiganan, bisiña y conocirnan
pa asisti na acto di entierro cu lo tuma lugar
diahuebs 26 di juli 2018 na Royal Funeral Home di
2'or pa 4'or di atardi, despues saliendo pa Santana
central na Sabana Basora.**

Nos ta pidi un disculpa si nos por a lubida un of otro
famia den nos tristesa.



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 20 Jul 2018 Anochi

CATACHI
Sorteo # 6534
2673
7406
3453
BIG 4
Sorteo # 5578
0896
OFF
Sorteo # 283
5270
ZODIAC
Sorteo # 4337
3451
Aries
KORSOU
Sorteo # 2121
0140
6552
9942

LOTTO 5
Sorteo #
0 x Jackpot
0 x Match 4+
0 x Match 4
0 x Afl. 12,00
Joker Letter
500.000,-

LOTTO DI DIA
Sorteo # 4474
0 x Jackpot
3 x Match 4
130 x Afl. 8,00
Proximo Jackpot
53.000,-

MINI MEGA
Sorteo # 1077
0 x Jackpot
0 x match 4
3 x Afl. 500,00
61 x Afl. 50,00
102 x Afl. 15,00
Mega Ball 03
400.000,-

MINI MEGA PLUS
Afl. 540.000,-



DIARIO 9015-5617-9822

SUPER 4 6725

FLAMINGO 2109-5597-3943



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 20 Jul 2018 Merdia

CATACHI
Sorteo # 2274
8953
0871
0329
BIG 4
Sorteo # 2274
9584
OFF
Sorteo # 330
5108
ZODIAC
Sorteo # 2274
3708
Leo

LOTTO 5
Sorteo #
0 x Jackpot
0 x Match 4+
0 x Match 4
0 x Afl. 12,00
Joker Letter
500.000,-

LOTTO DI DIA
Sorteo #
0 x Jackpot
0 x Match 4
0 x Afl. 8,00
Proximo Jackpot
52.000,-

MINI MEGA
Sorteo #
0 x Jackpot
0 x match 4
0 x Afl. 500,00
0 x Afl. 50,00
0 x Afl. 15,00
Mega Ball
390.000,-

MINI MEGA PLUS
Afl. 520.000,-



Aries

Eventonan social por pone bo den contacto cu personanan nobo interesante cu ta comparti bo interesnan. Esaki mester ta un experiencia agradabel. Number di suerte pa awe: 10, 15, 6, 12, 16, 8.



Tauro

Awe ta posibel pa bo desea di dedica un poco di tempo na hardin. Di hecho bo por tin un serie di tarea pa realisa na cas y patio, pero tambe bo por tin amigonan ta warda bo. Number di suerte pa awe: 36, 11, 7, 13, 17, 9.



Geminis

Explora bo interesnan intelectual por pone en marcha bo curiosidad, aunke loke bo siña bo por plantia mas pregunta cu contesta. Tambe lo bo kier reuni cu bo amigonan pa discuti e informacion nobo aki. Number di suerte pa awe: 29, 12, 8, 14, 18, 10.



Cancer

Bo por ricibi bishita di hende jong cu noticia y informacion pa comparti. Probablemente lo bo pasa mayor parti di bo oranan na cas y esey bo gusta. Number di suerte awe: 21, 13, 9, 15, 19, 11.



Leo

Bo telefon no lo stop di ring awe. Amigo y familiaran por tin bon noticia y informacion interesante pa comparti, mirando cu lo bo kier pasa hopi tempo papiando cu nan. Number di suerte awe: 2, 14, 10, 16, 20, 12.



Virgo

Situacion financiero a bay basta bon cu bo. Bo kier pa tur cos bay miho ainda pero bo por sinti temporalmente un poco desanima. Parce cu lo bo tin cu sigui traha duro pa bo mantene e ritmo. Number di suerte awe: 29, 15, 11, 17, 21, 13.



Libra

Awe bo por pensa cu bo tin un aspecto horibel y por ta bo kier Sali cambia bo aspecto. Cumpra paña nobo y sali haci ehercicio. A pesar cu ta probabel bo ta basta bon, esaki por haci bo bon. Number di suerte awe: 40, 16, 12, 18, 22, 14.



Scorpio

Por ta bo por tin e sensacion cu ningun hende kier bo pesar cu no tin ningun rason real pa esey. Bo relacionnan mes ta bastante fuerte, pero bo ritmo ta bao di loke bo falta. Number di suerte awe: 8, 17, 13, 19, 23, 15.



Sagittario

E plannan pa reuni bo cu bo amigonan awe noch por retrasa debi na e responsabilidad. Esey no lo bay stop bo pero lo nifica cu lo bo reuni cu nan un tiki mas laat. Number di suerte awe: 39, 18, 14, 20, 24, 16.



Capricornio

Ta posibel bo cu tin cu traha un tiki mas duro pa gana placa awo. Esey por implica pa tin cu dedica tempo extra na un tarea of simplemente por nifica cu lo bo tin cu haci algun biahe adicional pa banco. Number di suerte awe: 6, 19, 15, 21, 25, 17.



Aquario

Awe por produci un tardansa den ricibi algun tipo di reconocimiento. Esaki por ta decepcionante, pero no laga esey desanima bo. Lo bo bay skirbi esey, aunke kisas no na tempo. Number di suerte awe: 15, 20, 16, 22, 26, 18.



Pisces

Por ta cu awe lo bo tin cu ocupa di documentonan legal relaciona cu placa. Bo mente ta specialmente lihe y apropia pa bo por ocupa di e tema ey eficientemente dunando bo libertad pa actividadnan mas dushi. Number di suerte awe: 24, 21, 17, 23, 27, 19.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Hende
Muhe den dificultad**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Ned Rode Kruis

Perdo Gallegostraat 14
Aruba

297-588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.
com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

A1 Taxi Services Aruba

Italietraat 50 lokaal 7
Tel: 587-8850

Tel: 280-2828

Whatsapp: 592-7024

E-mail: a1taxiservices.
aruba@hotmail.com

**Mobility Equipment
Hire**

Tel: 568 5165

Dokter na warda



Oranjestad
Dr. Fernandez
Tel. 583 1822

San Nicolas
Dr. Boderie
Tel. 584 5155

Botica na warda

Oranjestad:
del Pueblo
Tel. 582 1253

San Nicolas
Aloe
Tel. 584 4606

SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Schedule juli 2018

			AME	DEPT	MENTH
SUN	15	FREEWINDS - DEPT.	****	23.15	E
WED	18	MONARCH	08.00	15.30	C
		FREEWINDS	06.00	****	E
THU	19	CARNIVAL VISTA	08:00	16:00	C
SUN	22	FREEWINDS - DEPT.	****	23.15	E
MON	23	CARNIVAL SUNSHINE	13.00	22.00	C
WED	25	MONARCH	08.00	15.30	B
		FREEDOM OF THE SEAS	07.00	23.00	C
		FREEWINDS	06.00	****	E
SUN	29	FREEWINDS - DEPT.	****	23.15	E

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Centrale Bank van Aruba

NR 5275

OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 20 Jul, 2018 EN TOT NADER ORDER

valuta		aankoop van publiek			verkoop aan publiek
		bankpapier	wissels, CHQ's reischeques en overboekingen		
Ned. Antil. Gulden	ANG	98.00	100.00	biljetten	100.20
Per ANG 100				chq./overboeking	100.00
Amerikaanse dollar	USD	1.77	1.78		1.80
Canadese dollar	CAD	1.32	1.34		1.36
Zwitserse frank (per 100)	CHF	178.27	178.99		179.79
Pond sterling	GBP	2.25	2.30		2.36
Japanse yen (per 10.000)	JPY	157.06	158.49		160.08
EURO (per 100)	EUR	205.71	207.59		209.68
Deense kroon (per 100)	DKK	26.88	27.60		28.40
Noorse kroon (per 100)	NOK	20.66	21.38		22.18
Zweedse kroon (per 100)	SEK	18.98	19.70		20.50

Trekkinglijst van de Landsloterij N.A.

14de Trekking																											19 juli 2018												
TIE		2121	150	4688	150	6785	150	9026	150	11496	150	13662	150	16090	150	18458	150	20418	150	22754	150	25007	150	27099	150	29450	150	31387	150	33348	150								
TALLEN		2178	150	4694	150	6793	150	9076	150	11525	150	13690	150	16092	150	18460	150	20420	150	22756	150	25023	150	27161	150	29457	150	31402	150	33349	150								
		2204	150	4705	150	6801	150	9101	150	11534	150	13697	150	16095	150	18470	150	20439	150	22757	150	25072	150	27165	150	29458	150	31403	150	33350	150								
		2219	150	4711	150	6802	150	9147	150	11535	150	13699	150	16096	150	18484	150	20470	150	22761	150	25092	150	27166	150	29459	150	31404	150	33351	150								
14		2274	150	4714	150	6834	150	9168	150	11584	150	13713	150	16102	150	18486	150	20508	150	22769	150	25122	150	27183	150	29520	150	31448	150	33378	150								
19		2337	150	4737	150	6886	150	9175	150	11630	150	13752	150	16105	150	18500	150	20524	150	22774	150	25137	150	27192	150	29524	150	31449	150	33379	150								
38		2339	150	4738	150	6889	150	9205	150	11701	150	13783	150	16116	150	18504	150	20546	150	22776	150	25165	150	27212	150	29532	150	31457	150	33380	150								
40		2351	150	4753	150	6901	150	9238	150	11719	150	13796	150	16118	150	18509	150	20561	150	22780	150	25166	150	27222	150	29552	150	31460	150	33376	150								
44		2371	150	4754	150	6910	150	9260	150	11723	150	13812	150	16122	150	18529	150	20581	150	22787	150	25192	150	27224	150	29586	150	31467	150	33382	150								
47		2376	150	4758	150	6912	150	9311	150	11730	150	13817	150	16127	150	18540	150	20605	150	22818	150	25205	150	27226	150	29610	150	31473	150	33483	150								
54		2417	150	4784	150	6954	150	9335	150	11750	150	13822	150	16144	150	18542	150	20607	150	22838	150	25232	150	27230	150	29617	150	31502	150	33488	150								
63		2423	150	4799	150	6964	150	9354	150	11758	150	13833	150	16197	150	18544	150	20658	150	22844	150	25236	150	27251	150	29651	150	31522	150	33501	150								
73		2442	150	4804	150	6966	150	9364	150	11776	150	13842	150	16218	150	18559	150	20660	150	22856	150	25246	150	27255	150	29687	150	31567	150	33525	150								
88		2444	150	4831	150	6973	150	9369	150	11834	150	13847	150	16221	150	18575	150	20689	150	22905	150	25247	150	27275	150	29717	150	31576	150	33528	150								
92		2457	150	4839	150	6977	150	9370	150	11850	150	13924	150	16223	150	18579	150	20708	150	22932	150	25261	150	27302	150	29721	150	31587	150	33537	150								
		2473	150	4859	150	6985	500	9381	150	11856	150	13930	150	16242	150	18583	150	20716	150	22936	150	25262	150	27303	150	29756	150	31596	150	33561	150								
HONDERD		2513	150	4862	150	-----	-----	9401	150	11864	150	13948	150	16289	150	18590	150	20725	150	22975	150	25270	150	27306	150	29760	150	31615	150	33572	150								
TALLEN		2536	150	4878	150	-----	-----	9427	150	11873	150	13969	150	16294	150	18591	150	20729	150	22977	150	25275	150	27309	150	29761	150	31620	150	33590	150								
		2581	150	4879	150	DUIZEND	-----	9454	150	11874	150	13978	150	16323	150	18605	150	20729	150	22991	150	25284	150	27331	150	29788	150	31629	150	33599	150								
120		2585	150	4883	150	-----	-----	9463	150	11895	150	13987	150	16427	150	18634	150	20737	150	-----	-----	25309	150	27340	150	29793	150	31642	150	33601	150								
144		2592	150	4892	150	7041	150	9475	150	11899	150	-----	-----	16436	150	18645	150	20759	150	DRIE EN	25316	150	27400	150	29802	500	31656	150	33610	150									
181		2594	150	4907	150	7066	150	9490	150	11920	150	VEERTIEN	-----	16440	150	18651	150	20761	150	TWINTIG	25319	150	27404	150	29803	150	31677	150	33647	150									
186		2598	150	4934	150	7111	150	9518	150	11924	150	DUIZEND	-----	16446	150	18681	150	20768	1000	DUIZEND	25321	150	27408	150	29808	150	31679	500	33651	150									
209		2600	150	4937	150	7117	150	9532	150	11932	150	-----	-----	16447	150	18701	150	20862	150	-----	25389	150	27416	150	29809	150	31691	150	33661	150									
216		2631	150	4945	150	7131	150	9536	150	11941	150	14006	150	16456	150	18730	150	20881	150	23090	150	25412	150	27460	150	29811	500	31715	150	33681	150								
225		2639	150	4989	150	7150	150	9542	150	11963	150	14056	150	16459	150	18735	150	20887	150	23131	150	25413	150	27476	150	29822	150	31746	150	33691	500								
235		2670	150	4992	150	-----	-----	9562	150	11963	150	14068	150	16462	150	18762	150	20908	150	23137	150	25417	150	27481	150	29838	150	31760	150	33700	150								
249		2670	150	-----	-----	7159	150	9589	150	-----	-----	14077	150	16582	150	18768	150	-----	PRIJS	23145	150	25418	150	27587	150	29844	150	31767	150	33722	150								
278		2684	150	-----	-----	7166	150	9598	1000	DUIZEND	-----	14089	500	16594	150	*****	23180	150	*****	25429	150	27602	150	29847	150	31768	150	33730	150										
291		2696	150	DUIZEND	-----	7226	150	9601	1000	-----	-----	14090	150	16607	150	2DE	23188	150	25431	150	27610	150	29861	150	31794	150	33757	150											
296		2731	150	-----	-----	7239	150	9603	150	12010	150	14097	150																										

'Ta difcil pa bay biba den exterior cu un enfermedad no comun'

ORANJESTAD – E seguro medico general na Aruba (AZV) e aña aki a ricibi dos peticion pa emigracion di hende cu un enfermedad no comun, manera entre otro enfermedad di musculo Duchenne, cu kier bay biba den exterior pa keda. E motibo p'esaki no semper ta puramente medico, segun informe di Ret Karibense.

"Na Aruba nunca lo bo no tin e mes medionan y hende cu tur conocimiento y habilidad tocante enfermedad no comun, manera na pais grandi", hefe di conseho medico di AZV, Corina Ponson y Solange Tchong, vocero di AZV, ta splica.

Infraestructura

No obstante esaki AZV ta mira cu e motibo no tur ora tin di haci cu e falta di specialismo. "Ta difcil pa combina cuido di un yiu cu un enfermedad no comun cu trabou, por ehempel hopi biaha e mucha mester bay fisioterapista of logopedista. E infraestructura na Hulanda toch ta miho pa loke ta combinacion di trabou, cuido, acogida y scol."

Pero pa berdaderamente tuma e paso pa bay afo ta



difcil. "Por ehempel pa biba na Hulanda bo mester inscribi, regla un caminda pa keda y tin cen pa sobrevivi e prome lunanan. Manera e dos peticionnan aki, ainda nan ta tratando di haya funding", sra. Ponson ta conta.

Tur aña e seguro di cuido medico ta haya dos peticion pa emigracion. Loke ta atractivo na e salida pa bay por ehempel Hulanda, ta cu e pashent eventu-

almente por participa na un investigacion experimental. AZV no ta compensa remedi experimental, e informe di Ret Karibense ta sigui bisa.

Investigacion di DNA

E seguro di cuido medico regularmente ta mira enfermedad no comun pasa, specialmente cerca mucha, manera e enfermedad di musculo Duchenne, enfermedad di Huntington (un enfermedad cu ta afecta cierto partinan di cerebro) y diferente tipo di cancer no comun.

Pa e motibo aki e isla tin cinco aña caba ta colabora cu un genetico clinico, cu ta bini e isla cada par di luna pa delibera riba diferente caso. A base di un peticion por investiga DNA, cual ta wordo manda Hulanda.

E vocero di AZV ta mira cu ultimo añanan tin mas necesidad di comprension pa mucha cu enfermedad no comun na e isla. E ta haya e organisacion di 'Best Friends Foundation' (BFF), cu ta sostene mayor cu yiu cu un enfermedad no comun, positivo. "Un iniciativa asina por duna sosten emocional na mayor cu ta sinti cu nan no por bay niun caminda."

Minister Xiomara Ruiz-Maduro a ricibi embahadornan na nos isla

ORANJESTAD – Minister Xiomara Ruiz-Maduro den representacion di prome minister di Aruba a ricibi bishita di embahador di Hulanda na Washington DC, Henne (Hendrik Jan Jurriaan) Schuwer y embahador di Merca na Den Haag, Hulanda, Pete (Peter) Hoekstra.

E embahadornan tabata na Aruba pa un bishita di cortesía, segun e comunicado ricibi di gobierno. Durante e encuentro a elabora riba topiconan di interes comun pa fortifica e relacion di trabao entre Merca y Aruba.



MEGAPLEX 8 <small>caribbeancinemas.com Caribbean Cinemas Aruba</small>		
JULY 19 - 25		
	DENZEL WASHINGTON PEDRO PASCAL THE EQUALIZER <small>MON-THURS 3:55 5:15 6:35 7:50 9:15</small> <small>FRI 3:55 5:15 6:35 7:50 9:15 10:25 11:00</small> <small>SAT 2:40 3:55 5:15 6:35 7:50 9:15 10:25 11:00</small> <small>SUN 2:40 3:55 5:15 6:35 7:50 9:15</small>	
	AMANDA SEYFRIED MERYL STREEP MAMMA MIA! HERE WE GO AGAIN <small>CXC PREMIUM LARGE FORMAT AUDITORIUM</small> <small>2D MON-THURS 4:10 6:40 9:10</small> <small>FRI 4:10 6:40 9:10 11:40</small> <small>SAT 1:40 4:10 6:40 9:10 11:40</small> <small>SUN & HOL 1:40 4:10 6:40 9:10</small>	
	DWAYNE JOHNSON NEVE CAMPBELL SKYSCRAPER <small>WITH SPANISH SUBTITLES</small> <small>MON-THURS 4:50 7:05 9:20</small> <small>FRIDAY 4:50 7:05 9:20 11:35</small> <small>SATURDAY 2:35 4:50 7:05 9:20 11:35</small> <small>SUN & HOL 2:35 4:50 7:05 9:20</small>	
	ADAM SANDLER SELENA GOMEZ HOTEL TRANSYLVANIA 3 <small>WITH SPANISH SUBTITLES</small> <small>MON-FRI 4:30 6:40 8:50</small> <small>SAT&SUN 2:20 4:30 6:40 8:50</small>	
	MARISA TOMEI Y'LAN NOEL THE FIRST PURGE <small>MON-THURS 4:55 7:15 9:35</small> <small>FRIDAY 4:55 7:15 9:35 11:55</small> <small>SATURDAY 2:35 4:55 7:15 9:35 11:55</small> <small>SUN & HOL 2:35 4:55 7:15 9:35</small>	
<small>CHRIS PRAIT JEFF GOLDBLUM</small> <small>MON-SUN 4:10 6:50</small>	<small>PAUL RUDD EVANGELINE LILLY</small> <small>MON-FRI 4:15 6:50 9:25</small> <small>SAT & SUN 1:45 4:15 6:50 9:25</small>	<small>SYLVESTER STALLONE DAVE BAUTISTA</small> <small>MON-THURS & SUN 9:30</small> <small>FRI & SAT 9:30 11:40</small>
STARTING JULY 26: MISSION IMPOSSIBLE FALLOUT, TEEN TITANS GO! TO THE MOVIES		
Palm Beach Plaza Aruba 586.0074		
THE MAGIC OF THE MOVIES ON YOUR MOBILE DEVICE		

‘Expresion di minister Blok riba sociedad multicultural no ta refleha realidad na Aruba’

ORANJESTAD - Politiconan di Aruba y tambe ciudadanonan no ta di acuerdo cu insinuacionnan expresa pa minister di asuntonan exterior di Hulanda Stef Blok cu sociedad multicultural nunca por prospera pa via di divisionnan etnico y cu no ta existi un sociedad cu ta biba den paz y ta mantene nan pueblo originario.

Siman pasa minister a haci expresionnan controversial cual a causa un furor recien di tal forma cu hasta politiconan di Aruba y Corsou a reacciona. E minister a expresa durante un reunion priva cu ‘tocante xenofobia mi ta hopi pragmatico nombra un ehempel di un sociedad multi etnico y multicultural unda e poblacion original ainda ta biba y unda tin un convivencia basa riba paz. Ami no conoce’.

Prome minister Evelyn Wever-Croes

(MEP) den un comunicado manda pa prensa a expresa enfaticamente di ta contra di e expresionnan y opinion di minister Blok, señalando cu na Aruba si tin un sociedad multicultural cu ta biba bon cu otro. “Aruba ta un sociedad multicultural cu a mantene nos identidad y harmonia respetando y bibando bon cu otro. Union semper tabata e motor pa trece harmonia y logra bienestar pa un y tur cu ta biba riba nos isla.”

E prome mandatario a expresa cu gobierno di Aruba no ta comparti e expresionnan di minister Blok, cua nan ta implica un suposicion negativo di sociedad multicultural. “E expresionnan aki no ta representa e realidad den e parti Caribense di Reino y tampoco ta representa e realidad di experiancia di concudadanonan di Aruba bibando na Hulanda. Aruba y Reino ta un sociedad multicultural, y esey ta nos forsa”.

Bon Dia a bay riba caya pa busca reaccionnan di personanan, cual a toca e parti historico di Aruba y tambe e percepcionnan etnico cu sr. Blok lo tin. Un persona en particular a expresa cu ‘maske na Aruba tin un sociedad multicultural cu ta biba den harmonia cu otro, loke e minister a bisa tocante poblacion originario ta aplicabel na Aruba mirando e historia di coloniasion y esclavitud cu Europeo a trece den region’.

Otro persona a reacciona cu Hulanda mes ta basta multicultural, pues e no ta compronde dicon e expresion aki. Pero e ta kere cu e lo ta relaciona cu mentalidad y e dominio leve cu Hulanda tin riba islanan di Caribe si bo wak e di cierto manera. “Nan no kier goberna directamente pero si nan ta interesa pa mete di bes en cuando. Si no ta pa nan nos no tin e leynan Hulandes y tampoco e idioma. Mi ta kere tin hende na Hulanda cu semper ta di

pensamento cu nan ta riba un status mas haltu. Imagina bo aki na Aruba, hopi biaha ta Hulandes ta ocupa posicionnan clave.”

Minister di infraestructura, Otmar Oduber (POR), mandando un reaccion na nos, a expresa cu sr. Blok su expresion ‘ta trapa riba tur locual ta representa nos reino y un muestra grandi di ignorancia’. Sr. Oduber ta haya cu Aruba ta un bon ehempel di sociedad multicultural cu ta biba hunto den paz, ‘kisas no perfecto pero compara cu Hulanda nos ta biba hopi bon cu otro’. E preocupacion cu e mandatario tin ta pa tur persona cu ta bay Hulanda di nos pais pa traha na nan futuro y cu ta confronta un forma di racismo institucionalisa. “E tema aki ta concerni nos y mester wordo atendi. Partido POR como parti di coalicion lo atende esaki na nivel di gobierno como tambe den parlamento di Aruba.”

Trabaonan na Colegio Frere Bonifacius a cuminsa

ORANJESTAD - Ayera e minister encarga cu e cartera di Enseñansa Armando Rudy Lampe (RED) a bishita e edificionan di Colegio Frere Bonifacius, na unda actualmente e trabounan di demolisacion ta andando.

E edificionan di Colegio Frere Bonifacius a wordo afgekeurd y tin 7 aña bandona. Ta asina cu e scol a wordo ubica na un otro luga y pa 7 aña no a haci ningun intento pa trece e scol bek. Esaki ta segun e comunicado cu nos a ricibi.

Minister Lampe: ‘Mita kere cu a yega tempo pa trece un scol cu tin tanto historia y na mes momento lo probecha pa crea un ‘smart school’ na unda cu lo tene cuenta cu digitalisacion y desaroyo sostenibel y cu lo wordo aplica den e re-ubicacion na e adres di origen’.



‘Gobierno ta promove integracion y no exclusion di inmigrantenan’



ORANJESTAD – Minister di enseñansa, Rudy Lampe a declara na Bon Dia Aruba cu nan gobierno (MEP-POR-RED) ta promove integracion, y ‘no segregacion of exclusion di nos inmigrantenan.’ E lema di e gobierno aki -segun e mandatario- ta cu e hende ta central.

Den cuadro di un evento di entrega di certificado di curso di Papiamentu na fundacion Dominicano Juan Pablo Duarte, minister Lampe a bisa na e medio aki cu e gobierno aki no kier discrimina y separa hende. Den e sentido aki, e ta haya cu e iniciativa di e fundacion aki ta pas cu nan mancho na fabor di integracion.

E ta haya cu e curso di Papiamentu basico cu fundacion Dominicano a organisa, ta un bon iniciativa den cuadro di Aña di Papiamentu. E ta yuda e inmigrantenan cu ta bin

biba y traha riba nos isla, pa asina siña nos idioma y yuda den integracion.

E ta considera cu e tipo di iniciativa aki ta cuadra completamente cu su vision tambe. Ya cu na prome lugá, el a decreta hunto cu minister di cultura, aña 2018 como Aña di Papiamentu. “Pa duna bek

e importancia cu Papiamentu mester tin su lugá mereci den nos sociedad.” E promocion aki di nos Papiamentu pa medio di e fundacion dominicano aki, ‘ta di elogio’.

E mandatario a bisa cu Enseñansa pa Empleo ta bay bira un institucion mas importante di loke e ta aworaki. No

solamente nan lo tin e parti di ofishi cu nan ta keda central, pero tambe tin curso di Papiamentu tambe.

E mandatario a motiva e grupo aki cu a termina Papiamentu basico, pa asina avansa mas den e dominio di Papiamentu, via cursonan cu Enseñansa pa Empleo ta ofrece.



Advertorial

Scouting Aruba ta e siguiente beneficiario di e programa ‘Superfood Cares’



ORANJESTAD - Scouting Aruba a ricibi e grato noticia algun siman patras cu nan ta e siguiente beneficiario di e programa ‘Superfood Cares di Superfood Plaza’.

E programa ta encera cu durante un luna di tempo desde dia 9 di juli te cu 8 di augustus, clientenan cu shop na Superfood tin oportunidad pa contribui na e organizacion y gana premionan fantastico cortesía di Superfood

Plaza.

Tur persona cu contribui segun rekisitonan di e programa por participa pa gana e premionan cu Superfood ta ofrece. Pa mas informacion y pa contribui den e programa

aki clientenan por puntra e cahera na momento di paga pa compras haci.

Scouting Aruba ta motiva clientenan di Superfood y comunidad completo pa hancinan compras na Superfood y

asina contribui na e organizacion di Scout di Aruba.

Scouting ta un movecion cu ta existi pa mas cu 88 aña caba na Aruba. Meta principal di Scouting ta pa educa y forma hobennan util y responsabel den comunidad. Pa por sigui cumpli cu e meta aki pa hopi aña mas, ta necesario pa por conta cu e sosten di comunidad.

E movecion scout ta existi desde aña 1907, funda pa Lord Robert S. Baden Powell. Aki na Aruba a funda Scouting Aruba dia 23 di april 2000, uniendo 4 diferente organizacion scout den un. Scouting Aruba tin 13 grupo scout den diferente districtonan rond di full Aruba. Pa mas informacion tocante Scouting por tuma contacto cu nos via nos facebook page: <http://www.facebook.com/ScoutingAruba>.